

黃帝素問直解

黃帝內經素問卷之七

錢塘高世栻士宗註解

○五常政大論第七十二篇

木火土金水有平氣有不及之氣有太過之氣皆其常也。天氣制於上，運氣主於中，百物生化，五蟲孕育，有盛有衰，是其政也。五運根中，六氣根外，化不可代，時不可違，皆為五常之政，故以名篇。

○黃帝問曰：太虛寥廓，五運迴薄，衰盛不同，損益相

從，願聞平氣何如而名，何如而紀也。

太虛寥廓，天之幽遠廣大也。五

運迴薄，五行迴轉依薄於太虛之中也。五運迴薄，其中有衰盛不同，因有損益相從，衰損則不及，盛益則太過，平氣則不衰不盛，無損無益，故願聞平氣何如而立其名，何如而定其紀，立名定紀，下文岐伯所言

者是也。岐伯對曰。昭乎哉問也。木曰敷和。火曰升明。土

曰備化。金曰審平。水曰靜順。

敷布陽和。木之性也。上

周備。土之性也。審束平定。金之性也。沈靜柔順。水之性也。此五運平氣而有如是之名也。帝曰。其

不及奈何。岐伯曰。木曰委和。火曰伏明。土曰卑監。金

曰從革。水曰涸流。

委和。陽和不敷而委弱也。伏明。明顯不升而下伏也。卑監。化成不備。

卑以自監也。從革。平定不審。從而變革也。涸流。靜順有愆。其流乾涸也。此五運不及而有如是之名也。

帝曰。太過何謂。岐伯曰。木曰發生。火曰赫曦。土曰敦

阜。金曰堅成。水曰流衍。

發生。生育峻發也。赫曦。顯赫也。敦阜。阜高敦厚也。堅

成。成物堅剛也。流衍。其流衍溢也。此五運太過而有如是之名也。帝曰。三氣之紀。願

聞其候。

三氣謂平氣太過不及之氣也。紀年數也。候五運之紀。各有時候也。岐伯曰。悉

乎哉。問也。敷和之紀。木德周行。陽舒陰布。五化宣平。

其氣端。其性隨。其用曲直。其化生榮。其類草木。其政

發散。其候溫和。其令風。其藏肝。肝其畏清。其主目。其

穀麻。其果李。其實核。其應春。其蟲毛。其畜犬。其色蒼。

其養筋。其病裏急支滿。其味酸。其音角。其物中堅。其

數八。

木之平氣曰敷和。故敷和之紀。木德周布。宣行。陽氣以舒。陰氣以布。五行各有所化。一氣平則

五氣皆平。故五化宣平。其氣端。木之正直也。其性隨。

木之柔順也。其用曲直。木之枝幹也。其化生榮。木之

茂密也。其類草木。凡有形草木皆其類也。其政發散。

木之條達也。其候溫和。春時之氣也。其令風。風爲木

之號令也。其藏肝。肝屬木也。肝其畏清。木畏金也。其主目。目爲肝竅也。麻。體直而色蒼。爲五穀之首。故其穀麻。李。色青而味酸。故其果李。核內有仁。木生之本。故其實核。春氣溫和。故其應春。毛蟲通體皆毛。猶木之森叢。故其蟲毛。犬性勇往直前。猶春之迅發。故其畜犬。蒼者木之色。故其色蒼。筋者肝所主。故其養筋。其病裏急。肢滿。肝氣不達也。酸者木之味。角者木之音。凡具木體之物。其中必堅。八者木之成數也。升明之紀。正陽而治。德施周普。五化均衡。其氣高。其性速。其用燔灼。其化蕃茂。其類火。其政明曜。其候炎暑。其令熱。其藏心。心其畏寒。其主舌。其穀麥。其果杏。其實絡。其應夏。其蟲羽。其畜馬。其色赤。其養血。其病瞢。其味苦。其音徵。其物脈。其數七。火之平氣曰升明。火位南方。故升明。

之紀正陽而治陽氣四布故德施周普火氣平則五行之化氣皆平故五化均衡其氣高火之上炎也其性速火之急烈也其用燔灼火之焚熟也其化蕃茂火之廣大也其類火凡有形之火皆其類也其政明耀火之光焰也其候炎暑夏時之氣也其令熱熱爲火之號令也其藏心火也心屬火也心其畏寒火畏水也其主舌舌爲心竅也麥春生夏熟故其穀麥杏色赤味苦故其果杏絡脈橫徧火散之象故其實絡夏氣炎暑故其應夏羽蟲飛翔戾天猶火之炎上故其蟲羽馬乾象主天天以日光明故其畜馬赤者火之色故其色赤血者心所主故其養血其病瞶瘵火氣不周也苦者火之味徵者火之音凡具火體之物必有絡脈七者火備化之紀氣協天休德流四政五化齊之成數也

修其氣平其性順其用高下其化豐滿其類土其政安靜其候溽蒸其令澤其藏脾脾其畏風其主口其

穀稷其果棗其實肉其應長夏其蟲倮其畜牛其色

黃其養肉其病否其味甘其音宮其物膚其數五

否批

上聲下同○土之平氣曰備化天生地成故備化之  
紀氣協天休土王四時故德流四政土氣平則五行  
之化氣皆平故五化齊修其氣平土之中正也其性  
順土之柔和也其用高下土之山澤也其化豐滿土  
之敦厚也其類土凡有形之土皆其類也其政安靜  
土之鎮重也其候溽蒸長夏之氣也其令溼溼爲土  
之號令也其藏脾脾屬土也脾其畏風土畏木也其  
主口口爲脾竅也稷似黍而色黃故其穀稷棗味甘  
而肉黃故其果棗肉形豐厚而敦阜故其實肉長夏  
之氣溽蒸故其應長夏倮蟲肉體無毛猶土之柔潤  
故其蟲倮牛坤象屬地地主生物故其畜牛黃者土  
之色故其色黃肉者脾所主故其養肉其病否塞土  
氣不升也甘者土之味宮者土之音凡具土體之物  
必有膚肉五者土之生數也六元正紀大論云土常

以生。故不舉成。數而舉生數也。審平之紀。收而不爭。殺而無犯。五化

宣明。其氣潔。其性剛。其用散落。其化堅斂。其類金。其

政勁肅。其候清切。其令燥。其藏肺。肺其畏熱。其主鼻。

其穀稻。其果桃。其實殼。其應秋。其蟲介。其畜雞。其色

白。其養皮毛。其病欬。其味辛。其音商。其物外堅。其數

九。金之平氣曰審平。秋時收殺。金氣主之。故審平之

紀。收而不爭。殺而無犯。金氣平。則五行之化氣皆

平。故五化宣明。其氣潔。金之淨白也。其性剛。金之堅

銳也。其用散落。金之肅殺也。其化堅斂。金之凝束也。

其類金。凡有形之金。皆其類也。其政勁肅。金之健利

也。其候清切。秋時之氣也。其令燥。燥爲金之號令也。

其藏肺。肺屬金也。肺其畏熱。金畏火也。其主鼻。鼻爲

肺竅也。稻米完而相薪堅。故其穀稻。桃外殼而內肉

白故其果桃。桃，胡桃也。殼包乎外，金之介甲，故其實殼秋風清切，故其應秋。介蟲負甲而外堅，猶金之甲冑，故其蟲介。雞支酉，屬金，而喜鬪，猶金之攻伐，故其畜雞。白者金之色，故其色白。皮毛者肺所主，故其養皮毛。其病欬，肺氣不和也。辛者金之味，商者金之音，凡具金體之物，其外必堅。九者，金之成數也。靜順之紀，藏而勿害，治而善下。五化咸整，其氣明，其性下。其用沃衍，其化凝堅，其類水。其政流演，其候凝肅。其令寒。其藏腎，腎其畏濕，其主二陰。其穀豆，其果栗。其實濡，其應冬。其蟲鱗，其畜犍，其色黑，其養骨髓。其病厥，其味鹹。其音羽，其物濡，其數六。首藏如字。○水之平氣曰靜順。冬時水氣下藏，故靜順之紀藏而勿害。治而善下，水氣平，則五行之化氣皆平，故五化咸整，其氣明。水之

清也。其性下水之流也。其用滑衍。水之充灌也。其化凝堅。水之作冰也。其類水。凡有形之水。皆其類也。其化政流。演水泉不竭也。其候凝肅。冬時之氣也。其令寒。寒為水之號令也。其藏腎。腎屬水也。腎其畏溼。水畏土也。其主二陰。二陰為腎竅也。豆下沈而性寒。故其穀豆。栗穀紫而形像腎。故其果栗。濡潤而滋水之液也。故其實濡。冬氣凝肅。故其應冬。鱗蟲生於水而長於水。故其蟲鱗。辰支亥而質寒潤。故其畜獺。黑者水之色。故其色黑。骨髓者。腎所主。故其養骨髓。其病厥冷。腎氣不和也。鹹者。水之味。羽者。水之音。凡具水體之物。其質必濡。六者。水之成數也。故生而勿殺。長而勿罰。化而勿制。

收而勿害。藏而勿抑。是謂平氣。

長上聲。藏如字。下長同。○總結上文而言。

敷和之紀。故生而勿殺。升明之紀。長而勿罰。備化之紀。化而勿制。審平之紀。收而勿害。靜順之紀。藏而勿抑。是謂五。委和之紀。是謂勝生。生氣不政。化氣乃揚。運之平氣。

長氣自平。收令乃蚤。涼雨時降。風雲並興。草木晚榮。  
蒼乾凋落。物秀而實。膚肉內充。其氣斂。其用聚。其動  
縵戾拘緩。其發驚駭。其藏肝。其果棗李。其實核殼。其  
穀稷稻。其味酸辛。其色白蒼。其畜犬雞。其蟲毛介。其  
主霧露淒滄。其聲角商。其病搖動注恐。從金化也。少  
角與判商同。上角與正角同。上商與正商同。其病支  
廢。癰腫瘡瘍。其甘蟲。邪傷肝也。上宮與正宮同。蕭颺  
肅殺。則炎赫沸騰。眚於三。所謂復也。其主飛蠹蛆雉。  
乃爲雷霆。少去聲。下俱同。木主春生。不及則金勝。木運不及。曰委和。故委和之紀。是謂勝生。

生氣不政。木氣虛也。化氣乃揚。土不畏木也。長氣自平。木不生火也。收令乃早。金勝木也。木不及。則金勝。而土無畏。故三氣並行。蓋涼為金氣。雲雨為土氣。風為木氣。故涼雨時降。風雲並興。木不及。故草木晚榮。金氣勝。故蒼乾凋落。化氣與秋成之氣專令。故物秀而實。土主膚肉。故膚肉內充。金主收斂。故其氣斂。木主生聚。故其用聚。筋不柔和。故其動縵。戾拘緩。東方肝木。其病發驚駭。故其發驚駭。其藏肝。土無畏而金氣勝。則木土金並主其事。其果棗李。土與木也。其實核殼。木與金也。其穀稷稻。土與金也。其味酸辛。木與金也。其色白蒼。金與木也。其畜犬雞。其蟲毛介。木與金也。其主霧露淒淪。金氣勝也。其聲角商。木與金也。其病搖動。注恐搖動者。風木之象。搖動注恐。水不生木也。凡此木土金並主其事。乃木氣不及。從金化而然也。木運不及。故曰少角。判猶半也。金勝用事。半屬金運。故少角與判商同。木氣司天。謂之上。角。木之平氣。謂之正角。木運不及。得司天之助。則木氣敷和。故上角與正角同。金氣司天。謂之上。商。金之平氣。謂之

正商金勝其木。又值金氣司天。金全用事。故上商與正商同。其病不但搖動。注恐且筋不和而支廢。血不和而癰腫瘡瘍。猶木朽蟲生。故曰其甘蟲。凡此搖動。注恐支廢癰腫瘡瘍。乃邪傷肝也。土氣司天。謂之上宮。土之平氣。謂之正宮。木運不及。土無所畏。又值土氣司天。則土氣備化。故上宮與正宮同。蕭颺肅殺。金刑木也。炎赫沸騰。子火氣復也。蕭颺肅殺。則木受金刑。故曰眚於三。蓋東方居三宮。震位。木也。南方居九宮。離位。火也。中央居五宮。土位。四維也。西方居七宮。兌位。金也。北方居一宮。坎位。水也。下文眚數皆由此也。則炎赫沸騰。乃木之子火復勝其金。故曰所謂復也。復則火氣勝。故其主飛蟲。蠹蟲蛆蟲。雉鳥。乃為雷霆。蓋飛者。火蟲也。蠹者。木所生。木生火也。蛆者。蛇之子。火蟲所生也。雉為離禽。亦火蟲也。震為雷。雷迅曰霆。雷霆。木鬱而火發也。伏明之紀。是謂勝長。長氣不復。則火氣勝而如是也。宣藏氣反布。收氣自政。化令乃衡。寒清數舉。暑令乃

薄承化物生。生而不長。成實而稚。遇化已老。陽氣屈  
伏。蟄蟲蚤藏。其氣鬱。其用暴。其動彰。伏變易。其發痛。  
其藏心。其果栗桃。其實絡濡。其穀豆稻。其味苦鹹。其  
色玄丹。其畜馬彘。其蟲羽鱗。其主冰雪霜寒。其聲微  
羽。其病昏惑悲忘。從水化也。少徵與少羽同。上商與  
正商同。邪傷心也。凝慘凜冽。則暴雨霖霖。害於九。其  
主驟注。雷霆震驚。沈黔淫雨。上二藏如字。數音朔。下同。鬱音陰。○火運不及。  
日伏明。火主夏長。不及則水勝。故伏明之紀。是謂勝  
長。長氣不宜。火氣虛也。藏氣反布。水勝火也。收氣自  
政。金無畏也。衡平也。言不盛也。化氣乃衡。火不生土  
也。寒爲水氣。清爲金氣。水氣勝而金無畏。故寒清激

舉暑爲火氣。火不及。故暑令乃薄。六微旨大論云。物之生。從於化。故承化物生。承化物生。而火氣虛。故生而不長。不長。故雖成實。而猶稚小。遇長夏之化氣。則物已老。火不及。故陽氣屈伏。水用事。故蟄蟲早藏。火氣不充。故其氣鬱鬱而不和。故其用暴。心氣不舒。故其動彰明。內伏。變易爲寒。火氣虛寒。其病則痛。故其發痛。其藏心。水氣勝。而金無畏。則火水金三氣並主其事。其果栗桃。水與金也。其實絡濡。火與水也。其穀豆稻。水與金也。其味苦鹹。火與水也。其色玄丹。水與火也。其畜馬。其蟲羽鱗。火與水也。其主冰雪霜寒。水氣勝也。其聲徵羽。火與水也。其病神虛。則昏惑。心虛。則悲忘。凡此火水金並主其事。乃火氣不及。從水化。而然也。火運不及。故曰少徵。水兼用事。故少徵與少羽同。金氣司天。謂之上商。歲火不及。金無所畏。又得司天之助。是火運之紀。行審平之政。故上商與正商同。其病昏惑悲忘。乃邪傷心也。凝慘凜冽。水刑火也。暴雨霖淫。土氣復也。凝慘凜冽。則火受水刑。故曰眚於九。南方離位。居於九宮也。火之干土。氣盛復水。

地氣騰雲。則雨降。故其主驟注。雷霆震驚。火鬱發也。沈黔淫雨。土濕勝也。此火發土勝。所謂復也。卑

監之紀。是謂滅化。化氣不令。生政獨彰。長氣整。雨乃愆。收氣平。風寒並興。草木榮美。秀而不實。成而糝也。其氣散。其用靜定。其動瘍涌分潰。癰腫。其發濡滯。其藏脾。其果李栗。其實濡核。其穀豆麻。其味酸甘。其色蒼黃。其畜牛犬。其蟲倮毛。其主飄怒振發。其聲宮角。其病留滿否塞。從木化也。少宮與少角同。上宮與正宮同。上角與正角同。其病飧泄。邪傷脾也。振拉飄揚。則蒼乾散落。其眚四維。其主敗折虎狼。清氣乃用。生



司天謂之上角。木兼用事。又得司天之氣。則木氣歎和。故上角與正角同。風木之氣傷其中土。故其病飢泄。留滿否塞。以及飢泄。乃邪傷脾也。木氣勝。故振拉飄揚。金氣復。則蒼乾散落。土受木刑。土居五宮。通於四維。故其膏四維。土之子金。氣盛復木。故其主敗折。虎狼敗折。金能斷物也。虎狼。西方金獸也。金氣勝。故清氣乃用。辱。猶屈也。金能平木。故生政乃辱。其主如是。所謂復也。從革之紀。是謂折。

收。收氣乃後。生氣乃揚。長化合德。火政乃宣。庶類以蕃。其氣揚。其用躁切。其動鏗。禁。督。厥。其發欬喘。其藏肺。其果李杏。其實殼絡。其穀麻麥。其味苦辛。其色白丹。其畜雞羊。其蟲介羽。其主明。驩炎鑠。其聲商徵。其病噫數魘。從火化也。少商與少徵同。上商與正商。



之助則上商與正商同。木氣司天謂之上角。木不畏金。又得司天之助。故上角與正角同。其病瘴欬。鼯鼯。是金從火化。邪傷肺也。火氣勝。故炎光赫烈。水氣復則冰雪霜雹。金受火刑。金主西方兌位。居於七宮。故皆於七。金之子水。氣盛復火。故其主鱗伏。鼯鼠。鱗水蟲也。伏猶復也。鼯鼠水屬也。歲寒之氣早至。乃生大寒。是水勝其火。所謂復也。涸流之紀。是謂反陽。藏令不舉。化氣乃

昌。長氣宣布。蟄蟲不藏。土潤。水泉滅。草木條茂。榮秀滿盛。其氣滯。其用滲泄。其動堅止。其發燥槁。其藏腎。其果棗杏。其實濡肉。其穀黍稷。其味甘鹹。其色黔玄。其畜犍牛。其蟲鱗。其主埃鬱昏翳。其聲羽宮。其病痿厥堅下。從土化也。少羽與少宮同。上宮與正宮同。



兼用事。上得司天之助。則上宮與正宮同。小便不利。曰癰。大便不利。曰關。其病癰關。乃邪傷腎也。土氣勝。故埃昏驟雨。水氣復。則振拉摧拔。水受土刑。故害於一。水主北方坎位。居於一宮也。水之子木。氣盛復土。故其主毛顯。狐貉變化。不藏。狐貉。毛蟲也。毛蟲以毛爲顯。狐貉多疑。善變化。變化則不藏。此水之子木。氣盛復土。所謂復也。故乘危而行。不速而至。暴虐無德。災反及

之。微者復微。甚者復甚。氣之常也。

總結上文勝復之意。歲運不及。勝氣

侮之。故勝氣之行。乘危而行。勝氣之至。不速而至。始則暴虐無德。既則災反及之。勝微者。受復亦微。勝甚者。受復亦甚。此先勝後復。而爲運氣之常數也。發生之紀。是謂啓陳。土疎泄。蒼氣達。陽和布化。陰氣乃隨。生氣淳化。萬物以榮。其化生。其氣美。其政散。其令條舒。其動掉眩巔疾。其德

鳴靡啓圻。其變振拉摧拔。其穀麻稻。其畜雞犬。其果  
李桃。其色青黃白。其味酸甘辛。其象春。其經足厥陰  
少陽。其藏肝脾。其蟲毛介。其物中堅外堅。其病怒。太  
角與上商同。上徵。則其氣逆。其病吐利。不務其德。則  
收氣復。秋氣勁切。甚則肅殺。清氣大至。草木凋零。邪  
乃傷肝。木運太過曰發生。發生者。推陳致新。故是謂  
啓陳。木盛土衰。故土疎泄。疎泄。虛薄也。蒼氣  
木氣也。木盛。故蒼氣達。木主春生。故陽和布化。厥陰  
主木。故陰氣乃隨。陽和布化。則生氣溫化。陽主生物  
也。陰氣乃隨。則萬物以榮。陰主成物也。其化生。春生  
之氣也。其氣美。春日之和也。其政散。木之暢達也。其  
令條舒。木之生發也。其動掉眩巔疾。風氣淫於上也。  
風聲曰鳴。其德鳴靡啓圻。物從風而靡。靡而啓圻也。

其變振拉摧拔風淫太過撓萬物也木雖太過太過而往不及隨之故木金土三氣並主其事其穀麻稻木與金也其畜雞犬金與木也其果李桃木與金也其色青黃白其味酸甘辛木土金三氣也其象春春屬木也其經足厥陰少陽足厥陰肝木也足少陽膽木也其藏肝脾木與土也其蟲毛介其物中堅外堅木與金也其病怒肝病也木運太過故曰太角丁壬運木六丁主不及六壬主太過六壬無卯酉燥金之司天今日與上商同者如丁卯丁酉之歲金勝其木而金氣司天之太過也木運太過木生其火又值火氣司天謂之上徵子居母上則其氣逆氣逆則其病吐利木氣太過故曰不移其德始則木盛土屈繼則土伸金復故收氣復復則秋氣勁切甚則肅殺金刑木也清氣大至草木凋零而邪乃傷肝赫曦之紀是謂蕃茂陰氣內化陽氣外榮炎暑施化物得以昌其化長其氣高其政動其令鳴顯其動炎灼妄

擾其德暄暑鬱蒸其變炎烈沸騰其穀麥豆其畜羊  
獫其果杏栗其色赤白立其味苦辛鹹其象夏其經  
手少陰太陽手厥陰少陽其藏心肺其蟲羽鱗其物  
脈濡其病笑瘡瘡瘍血流狂妄目赤上羽與正徵同  
其收齊其病瘞止徵而收氣後也暴烈其政藏氣乃  
復時見疑慘甚則雨水霜雹切寒邪傷心也藏如字見音現  
下見同。○火運太過曰赫曦火主夏長故是謂蕃茂  
少陰之上君火主之少陰在下故陰氣內化君火在  
上故陽氣外榮火司夏令故炎暑施化萬物充盛故  
物得以昌其化長夏長之氣也其氣高炎熱之氣也  
其政動火之飛揚也其令鳴顯火之光焰也其動炎  
灼妄擾火淫於外也其德暄暑鬱蒸火之溫熱而不

平也。其變炎烈沸騰。火淫而銷鑠毀傷也。火雖太過。太過而往。不及隨之。故火水金三氣並主其事。其穀麥豆。其畜羊。其果杏。栗火與水也。其色赤白。玄其味苦辛鹹。火金水也。其象夏。夏屬火也。其經手少陰太陽。手厥陰少陽。蓋手少陰主心火。而手太陽小腸爲之府。手厥陰主心包。而手少陽三焦爲之府。其藏心肺。火與金也。其蟲羽。鱗其物脈濡火與水也。其病笑瘧癰瘍。血流狂妄。目赤。皆心藏火熱之病也。戊辰戌戌歲。太陽寒水司天。謂之上羽。火運太過。上臨寒水。則火氣以平。故與升明之正徵同。火氣既平。金不受傷。故其收齊。齊足也。火主經脈。寒水上臨。火氣受傷。故其病瘥。瘥經脈病也。戊子戊午戊寅戊申。君相二火司天。謂之上徵。火運太過。司天助之。則金氣受傷。而收氣後也。後退伏也。火氣太過。故暴烈。其政始則火淫。繼則水勝。故藏氣乃復。時見凝慘。甚敦阜之則水盛。火滅。故雨水霜雹切寒。而邪乃傷心。敦阜之紀。是謂廣化。厚德清靜。順長以盈。至陰內實。物化充

成煙埃朦鬱見於厚土大雨時行溼氣乃用燥政乃  
避其化圓其氣豐其政靜其令周備其動濡積并穡  
其德柔潤重淖其變震驚飄驟崩潰其穀稷麻其畜  
牛犬其果棗李其色黔玄蒼其味鹹酸其象長夏其  
經足太陰陽明其藏脾腎其蟲倮毛其物肌核其病  
腹滿四支不舉大風迅至邪傷脾也重平聲長夏之  
長平聲長命及  
生氣以長之長俱同○土運太過曰敦阜土氣廣厚  
萬物化成故是謂廣化土氣有餘則厚德清靜順夏  
長之氣以充盈土太陰也太陰至陰也故至陰內實  
而物化充成也煙埃朦鬱謂塵埃煙冒如雲霧之朦  
鬱見於厚土見於山陵高阜之上也雲霧上升則大  
雨時行而溼氣乃用溼氣用事故慘政退避其化圓

土之周徧也。其氣豐。土之敦厚也。其政靜。土之安靜也。其令周備。土之四應也。其動濡積并穡。濕氣積穡。土濡滯也。其德柔潤重。源土氣濡順。重復灌漑也。其變震驚飄驟。土淫太過動而不靜也。崩潰土幾墮矣。土雖太過太過而往不及隨之。故土木水三氣並主其事。其穀稷麻。其畜牛犬。其果棗李。土與木也。其色齡立蒼。其味甘鹹酸。土水木也。其象長夏。長夏屬土也。其經足太陰陽明。蓋足太陰主脾土。而陽明胃爲之府。其藏脾腎。土與水也。其蟲倮毛。其物肌核。土與木也。其病腹滿四肢不舉。皆脾病也。始則土淫。繼則木勝。故大風迅至。木盛土衰。而邪乃傷脾。堅成之紀。是謂收引。天氣潔。地氣明。陽氣隨陰治化。燥行其政。物以司成。收氣繁布。化洽不終。其化成。其氣削。其政肅。其令銳切。其動暴折。瘍疰。其德霧露蕭颺。其變肅殺凋零。其穀稻黍。其

畜雞馬。其果桃杏。其色白青丹。其味辛酸苦。其象秋。  
其經手太陰陽明。其藏肺肝。其蟲介羽。其物穀絡。其  
病喘喝。胸憑仰息。上徵與正商同。其生齊。其病欬。政  
暴變。則名木不榮。柔脆焦首。長氣斯救。大火流。炎燥  
且至。蔓將槁。邪傷肺也。金運太過曰堅成。金主秋收。故是謂收引。秋時天氣清潔。天氣清潔。則地氣光明。夏為陽。秋為陰。至秋則陽熱之氣隨陰治化。金在天為燥。故燥行其政。夏長秋成。故物以司成。金氣太過。故秋收之氣繁盛。舒布致夏長之化。治不終化。治者化氣治於萬物。秋氣早至。故化治不終其化。成秋之收。成也。其氣削。金之削。物也。其岐肅。金之清肅也。其令銳切。金之剛勁也。其動暴折。瘍。莊。金之刑辟也。其德霧露蕭颺。金之柔潤也。其變肅殺凋零。金之清銳也。金雖太過。太過而往。不及。

陰之故。金、火、木三氣並主其事。其穀稻黍。其畜雞馬。其果桃杏。金與火也。其色白青丹。其味辛酸苦。金、木、火也。其象秋。秋屬金也。其經手太陰陽明。蓋手太陰主肺金。而手陽明大腸爲之府也。其藏肺肝。金與木也。其蟲介羽。其物穀絡。金與火也。其病喘喝。胸憑仰息。皆肺病也。金氣太過。當庚子庚午庚寅庚申之歲。上見少陰少陽司天。謂之上徵。金太過而火司天。則金氣自平。故與正商同。木主生。金氣已平。故其生齊。齊者。遂其生也。其病欬肺病也。金氣太過。暴變其政。則堅剛之名。木不榮。柔脆之草。類焦首。始則金淫。繼則火勝。火主夏長。故長氣斯救。救猶復也。長氣斯救。則大火以流。大火流。則炎燠且至。藤蔓將槁。金受火刑。邪傷。流衍之紀。是謂封藏。寒司物化。天地嚴凝。藏肺也。

政以布。長令不揚。其化凜。其氣堅。其政謹。其令流注。其動漂泄沃涌。其德凝慘寒霧。其變冰雪霜雹。其穀

豆稷。其畜犴牛。其果栗棗。其色黑丹黔。其味鹹苦甘。其象冬。其經足少陰太陽。其藏腎心。其蟲鱗倮。其物濡滿。其病脹。上羽。而長氣不化也。政過則化氣大舉。而埃昏氣交。大雨時降。邪傷腎也。首二藏如字。○水運太過曰流衍。水主冬。令氣機閉密。故是謂封藏。水在天爲寒。故寒司物化。而天地嚴凝。冬令之藏。政以布則水勝其火。故長令不揚。其化凜水之凜冽也。其氣堅。水之堅凝也。其政謚水之安靜也。其令流注。水之滋灌也。其動漂泄沃涌。水之泛溢也。其德凝慘寒。水之聚而能散也。雩雪飛貌。其變冰雪霜雹。水淫太過轉柔爲剛也。水雖太過太過而往不及隨之。故水土火三氣並主其事。其畜犴牛。其果栗棗。水與土也。其色黑丹黔。其味鹹苦甘。水火土也。其象冬。冬屬水也。其經足少陰太陽。蓋足少陰主腎水。而足太陽膀胱爲之府。其藏

腎心水與火也。其蟲鱗。保其物濡滿。水與土也。其病  
脹。脾土之病也。水運太過。當丙辰丙戌之歲。太陽寒  
水上臨。謂之上羽。水太過。而水上臨。則長氣不能施  
化。長氣。火氣也。水政太過。始則水淫。繼則土勝。故化  
氣大舉。而埃昏氣交。埃昏氣交。地氣上升也。地  
氣上升。故大雨時降。土氣有餘。則邪傷腎也。故曰。

不恆其德。則所勝來復。政恆其理。則所勝同化。此之

謂也。是暴烈其政。不務其德。是不恆其德也。化氣政令。

其德。則所勝來復。如木之收氣。復火之藏氣。乃復土

之大風。至金之大火。流水之化氣。大舉者是也。政恆

其理。則所勝同化。如穀畜果蟲。皆勝氣同化。五色五

味。則兼三氣者是也。卽此歲運太過。不及。而有淫復

之謂也。○此一節論五行。○帝曰。天不足西北。左寒

而右涼。地不滿東南。右熱而左溫。其故何也。承上文

五運太

過不及之意。問天地四方。亦有太過不及也。天爲陽。陽氣溫熱。地爲陰。陰氣寒涼。天不足西北。則西北方之陽氣少。故左右溫熱。所以不足不滿者。其故何也。岐伯曰。陰陽之氣。高下之理。太少之異也。東南方。陽也。陽者。其精降於下。故右熱而左溫。西北方。陰也。陰者。其精奉於上。故左寒而右涼。是以地有高下。氣有溫涼。高者氣寒。下者氣熱。故適寒涼者脹。之溫熱者瘡。下之則脹已。汗之則瘡已。此腠理開閉之常。太少之異耳。太有餘也。少不足也。天不足西北。地不滿東南。也。東南爲陽。故東南方陽也。陽者。陽氣有餘。其陰精之氣。則降於下。陰精下降。陽氣有餘。故右熱而左溫。

西北爲陰故西北方陰也陰者陰氣有餘陰精之氣  
奉於上陰精上奉陽氣不足故左寒而右涼又西北  
地高東南地下西北地涼東南地溫是以地有高下  
氣有溫涼溫猶熱也涼猶寒也故高者氣寒下者氣  
熱適往也故往西北寒涼之方者陰氣有餘則病脹  
之亦往也往東南溫熱之方者陽氣有餘則生瘡下  
之者天氣下降之意陰寒而得陽熱則脹已汗之者  
地氣上升之意陽熱而得陰液則瘡已西北寒涼腠  
理多閉少開東南溫熱腠理多開少閉故帝曰其於  
曰此腠理開閉之常其中有太少之異耳帝曰其於  
壽夭何如陰陽高下其中有太少之異則太爲有餘  
壽夭岐伯曰陰精所奉其人壽陽精所降其人夭西  
何如方陰也其精奉於上東南方陽也其精降於下故陰  
精所奉之方其人壽陽精所降之方其人夭是西北  
壽而東帝曰善其病也治之奈何陰精所奉之方其  
南天也帝曰善其病也治之奈何人壽陽精所降之

方其人天。是以西北病少，東南病多。帝故善之，而探治病之法也。岐伯曰：西北之氣

散而寒之，東南之氣收而溫之。所謂同病異治也。故

曰：氣寒氣涼，治以寒涼；行水漬之，氣溫氣熱，治以溫

熱，強其內守，必同其氣，可使平也。假者反之。西北腠理常閉

其氣有餘，故治西北之病氣，當散而寒之；東南腠理常開，其氣不足，故治東南之病氣，當收而溫之。一散

一收，一寒一溫，所謂同病異治也。西北之人，外雖寒，

閉內則有餘而熱，東南之人，外雖溫，開內則不足而

寒，故曰：西北氣寒氣涼，復當治以寒涼；行水漬之，以

開其閉，此散而寒之之法也。東南氣溫氣熱，復當治

以溫熱，強其內守，必內外和其氣，然後可使平也。

此收而溫之之法也。如西北之人，外寒涼而內不熱，

亦當治以溫熱；東南之人，外溫熱而內不寒，亦當治

以寒涼，故曰：假者反之。帝曰：善。一州

之氣。生化壽夭不同。其故何也。

西北之氣外寒涼而內有餘。東南之氣外

溫熱而內不足。假者反之。則西北寒涼其內亦有不足。東南溫熱其內亦有餘。帝故善之。復問一州之氣。亦有生化壽夭之不同。不。

岐伯曰。高下之理。地勢使然也。崇高則陰氣治之。污下則陽氣治之。陽勝者

先天陰勝者後天。此地理之常。生化之道也。

一州之中亦有

四方高下之理。乃地勢使然也。地勢崇高則陰氣治之。地勢污下則陽氣治之。陽氣治之而陽勝者。四時

之氣常先天陰氣治之而陰勝者。四時之氣常後天。

先天則生化早。後天則生化遲。此地理陰陽高下之常。而有生化。帝曰。其有壽夭乎。帝問生化之中。其有壽

夭。岐伯曰。高者其氣壽。下者其氣夭。地之小大異也。

小者小異。大者大異。故治病者。必明天道地理。陰陽更勝氣之先後。人之壽夭。生化之期。乃可以知人之形氣矣。更平聲。地高者。陰氣治之。陰精所奉。其人壽。故高者其氣壽。地下者。陽氣治之。陽精所降。其人夭。故下者其氣夭。高則氣大。下則氣小。高者下者。乃地之小大異也。畧高畧下。高下之小者。其壽夭小異。極高極下。高下之大者。其壽夭大異。故治病者。必明上天之道。下地之理。其中有陰陽之更勝。有時氣之先後。以此決人之壽夭。及生化之期。乃可以知人之形氣矣。靈樞壽夭篇云。形與氣相任。則壽。不相任。則夭。立形定氣。帝曰。善。其歲有不病。而藏氣不應不用者。何也。北。生。化。壽。夭。之。理。既。明。帝。故。善。之。謂。西。東。南。同。病。異。治。其。終。歲。有。不。病。而。

人身藏氣。不應陰陽之氣。不用高下之理。則無有太少之異者。其故何也。岐伯曰。天氣制

之氣有所從也。制猶御也。歲有不病而藏氣不應不  
用者乃司天之氣御於上。天氣合於  
人身氣有所從。帝曰。願卒聞之。天氣制之。氣有所  
岐伯

曰。少陽司天。火氣下臨。肺氣上從。白起金用。草木眚。

火見燔燍。革金且耗。大暑以行。欬嚏衄衄。鼻塞口瘍。

寒熱肘腫。風行於地。塵沙飛揚。心痛。胃脘痛。厥逆。鬲

不通。其主暴速。凡寅申之歲。少陽司天。少陽相火也。

受其制。故肺氣上從。肺色白而屬金。故白起金用。白

起金用。則草木乃眚。金刑木也。火見燔燍。少陽之氣

也。革金且耗。金受火刑。則金變革而虛耗也。火氣盛

故大暑以行。欬嚏衄衄。鼻塞。肺病也。口瘍。寒熱。肘腫。

火病也。少陽司天。則厥陰在泉。厥陰風氣也。故風行

於地。風行於地。則塵沙飛揚。厥陰經脈屬心包。故心

包。故心

痛。胃絡上通心包。故胃脘痛。心痛。胃脘痛。則陰陽之氣不相順接。故厥逆而隔不通。風氣急疾。故其主暴速。有司天。則有陽明司天。燥氣下臨。肝氣上從。蒼起在泉。故并論之。木用而立。土乃貴。漚滄數至。木伐草萎。脇痛目赤。掉振鼓慄。筋痿不能久立。暴熱至。土乃暑。陽氣鬱發。小便變。寒熱如瘡。甚則心痛。火行於槁。流水不冰。蟄乃見。數音朔下同。○凡卯酉之歲。陽明司天。陽明燥金也。故燥氣下臨。司天之氣制於人身。人受其制。故肝氣上從。肝色蒼而屬木。故蒼起。木用而立。蒼起。木用。則土乃貴。木刑土也。漚滄數至。金氣勝也。木伐草萎。金刑木也。脇痛目赤。肝木病也。掉振鼓慄。肝虛病也。筋痿不能久立。肝主筋也。陽明司天。則少陰在泉。少陰熱氣也。故暴熱至。暴熱至。則土乃暑。而陽氣鬱發。熱入於內。則小便變。熱行於外。則寒熱如瘡。甚則

熱氣自傷而心痛。客氣加臨。則君火加於六氣。故火  
行於草木枯槁之時。致冬令流水不冰。蟄蟲乃見。而  
不藏。太陽司天。寒氣下臨。心氣上從。而火且明。丹起。金

乃青。寒清時舉。勝則水冰。火氣高明。心熱煩。嗔乾善  
渴。飢噉喜悲。數欠。熱氣妄行。寒乃復。霜不時降。善忘。

甚則心痛。土乃潤。水豐衍。寒客至。沈陰化。溼氣變物。  
水飲內稽。中滿不食。皮癢肉苛。筋脈不利。甚則胛腫。

身後癰。

癰音羣。凡辰戌之歲。太陽司天。太陽寒水

也。故寒氣下臨。司天之氣。制於人身。人受其  
制。故心氣上從。心屬火。其色丹。而今火且明。丹起。火  
明。丹起。則金乃青。火刑金也。寒清時舉。勝則水冰。可  
天之氣也。火氣高明。上從之氣也。心熱煩。嗔乾善渴。  
火病也。飢噉喜悲。火刑金也。數欠。陰陽相引也。始病

熱氣妄行。既則寒。乃復。復則寒。氣盛。故霜不時降。心火虛。故善忘。甚則心痛。太陽司天。則太陰在泉。太陰溼氣也。故土乃潤。溼者。水之類。故水豐衍。水溼。則寒。故寒客至。寒溼為陰。其性下沈。而屬土。故沈陰化。而溼氣變物。溼氣變物。則水飲內積。致民病中滿不食。精痺也。苛。不安也。皮痺而肉不安。則筋脈亦不利。甚則附腫。上。文少陽司天。寒熱附腫。因於熱也。此太陰附腫。因於寒也。身後癰。謂癰發於背。不能上承。太陽部於背也。厥陰司天。風氣下臨。脾氣上從。而土且隆。黃起。水乃眚。土用革。體重。肌肉萎。食減。口爽。風行太虛。雲物搖動。目轉。鳴。火縱其暴。地乃暑。大熱消燂。赤沃下。蟄蟲數見。水不冰。其發機速。凡巳亥之歲。陰風氣也。故風氣制。故脾氣上從。脾土。其色黃。而今土且隆。黃起。土

隆黃起則水乃省土刑水也風木氣盛故土用革革  
變革也體重肌肉萎脾病也食積口爽言所食減少  
則口中乃爽以明飽餐則口中不和亦脾病也風氣  
在上則風行太虛雲物搖動其中在於人則目轉耳鳴  
厥陰司天則少陽在泉少陽火氣也故火縱其暴而  
地乃暑暑猶熱也地暑則大熱消燥津液受熱則赤  
沃下火氣主開故蟄蟲數見火性溫熱少陰司天熱  
故流水不冰火體急暴故其發機速

氣下臨肺氣上從白起金用草木貴喘嘔寒熱嚏鼽  
衄鼻窒大暑流行甚則瘡瘍燔灼金燥石流地乃燥

清淒滄數至脇痛善太息肅殺行草木變凡子午之歲少陰司

天少陰君火也故熱氣下臨司天之氣制於人身人  
受其制故肺氣上從白起金用草木貴與少陽司天  
之氣同亦金氣從火奎刑木也喘嘔寒熱嚏鼽鼻  
窒亦肺病也大暑流行熱氣盛也甚則瘡瘍燔灼金

燥石流如焚如焰也。少陰司天，則陽明在泉，陽明者金也。其氣燥而清，故地乃燥清，燥清則凄滄數至。金刑其木，故脇痛而肝病，善太息。太陰司天，溼氣下臨，而膽病且肅殺行而草木變。腎氣上從黑起，水變埃，胃雲雨，胸中不利，陰痿，氣大衰而不起，不用。當其時，反腰膝痛，動轉不便也。厥逆地乃藏陰。大寒且至，蟄蟲早附，心下否痛，地裂冰堅，少腹痛，時害於食，乘金則止，水增味乃鹹，行水減也。便平聲，藏如字，否批上聲。○凡丑未之歲，太陰司天，太陰溼氣也，故溼氣下臨。司天之氣制於人身，人受其制，故腎氣上從腎色黑，屬水，故黑起，水變黑起，則塵埃如冒，水變則雲雨，水制其火，則胸中不利，陰痿，陰前陰也，陰痿則氣大衰，而生陽之氣不起，不用。當黑起，水變時，不但火受其害，反腰膝痛，動轉不便也。

腰腫痛則腎精虛腎精虛則動轉不便此陰陽之氣不相交接故曰厥逆太陰司天則太陽在泉太陽寒水也故地乃藏陰大寒且至寒氣早故蟄蟲早附火氣虛故心下否痛寒水凝結則地裂冰堅寒水之氣逆於下則少腹痛寒水之氣留於中則時害於食寒水之氣上乘肺金則水天一氣旋轉運行故乘金則痛止乘金則金生其水故水增味鹹當行其水則水滅而寒氣乃平也凡此司天在泉三陽三陰皆天氣制於上帝曰歲有胎孕不育治之不全何氣使然司天之氣制於上則氣有所從其歲有胎孕不育治之不全則何氣制之而使然

岐伯曰六氣五類有相勝制也同者盛之異者衰之

此天地之道生化之常也

六氣司天不外五行故六氣五類有相勝制也如司

天之氣同於運氣則生物蕃盛故同者盛之如司天之氣異於運氣有所勝制則生物衰微故異者衰之



當癸卯癸酉受火運之勝制太陰司天。裸蟲靜。鱗蟲則金類之介蟲耗。而且不育。羽蟲不成。在泉。裸蟲育。鱗蟲不成。凡太陰溼土司在泉。故太陰司天。主土類之裸蟲靜。而水類之鱗蟲育。丑未之歲。太陰司天。歲當辛丑。辛未受水運之勝制。則火類之羽蟲不成。凡太陰在泉。則太陽司天。太陽土也。故裸蟲育。辰戌之歲。太陽司天。歲當甲辰甲戌。受土運之勝制。則水類之鱗蟲不成。少陽司天。羽蟲靜。毛蟲育。裸蟲不成。在泉。羽蟲育。介蟲耗。毛蟲不育。凡少陽相火司在泉。故主火類之羽蟲靜。而木類之毛蟲育。當壬寅壬申之歲。受木運之勝制。則土類之裸蟲不成。凡少陽在泉。則厥陰司天。少陽火也。故羽蟲育。火盛金衰。故介蟲耗。當乙巳乙亥之歲。受金運之勝制。則木類之毛蟲不育。陽明司天。介蟲靜。羽蟲育。介蟲不成。在泉。介



所生。總結上文而言六氣司天。六氣在泉。受五運之  
運。則受制之甚也。然五行之理。制而後生。故氣主有  
所制。則歲立有所生。謂六氣主乎上下。而有所制。則  
五行在中。以立歲。地氣制已勝。天氣制勝已。天制色  
運。而有所生也。地制形。地氣在泉。保蟲耗少。陰在泉。介蟲耗不育。太陰在  
泉。鱗蟲不成。少陽在泉。介蟲耗少。陽明在泉。毛蟲耗者  
是也。天氣司天之氣也。天氣制勝已。如上文少陽少  
陰司天。火熱下臨。則白起。金用陽明司天。燥氣下臨。  
則蒼起。木用太陽司天。寒氣下臨。則火明。丹起。厥陰  
司天。風氣下臨。則土隆。黃起。太陰司天。溼氣下臨。則  
黑起。水變者是也。天氣制於上。而白蒼丹黃黑色起。  
而應之。是天制色也。地氣制於下。而五類衰盛。各隨  
諸蟲耗及不育。不成。是地制形也。五類衰盛。各隨  
其氣之所宜也。上文云。六氣五類。有相勝制。同者盛  
之。異者變之。此復承上文形色制勝

之意而言五類衰盛各隨其天  
氣地氣之所宜以爲衰盛也故有胎孕不育治之

不全此氣之常也所謂中根也根於外者亦五故生

化之別有五氣五味五色五類五宜也五類衰盛則

歲有胎孕不育治之不全此氣運之常也五運在中

萬物生化所謂中根也六氣在外合於五行是根於

外者亦五故萬物生化之別其中各有五帝曰何謂

氣五味五色五類五宜以爲生化之別也岐伯曰根於中者命曰神機神去則機

也何謂也岐伯曰根於中者命曰神機神去則機

息根於外者命曰氣立氣止則化絕故各有制各有

勝各有生各有成故曰不知年之所加氣之同異不

足以言生化此之謂也五運在中故根於中者命曰

神機若神去則機息六氣在

外故根於外者。命曰氣立。若氣止。則化絕。根中根外。故運氣各有制。各有所勝。各有所生。各有所成。必知年之所加。氣之同異。乃可以言生化之道。苟不知此。不足以言生化。引六節藏象之言。而言卽此神機。氣立之。帝曰。氣始而生化。氣散而有形。氣布而蕃育。謂也。氣終而象變。其致一也。然而五味所資。生化有薄厚。成熟有少多。終始不同。其故何也。承上文五類衰盛之意。而言一歲四時。萬物同受其氣。始而生化。散而有形。布而蕃育。終而象變。萬物盡然。其致一也。然而五味所資。何以生化。有薄厚。成熟有少多。岐伯曰。地氣制之也。非天不生。地不長也。也。此非天氣之不生。實地氣有以制之。而帝曰。願聞其道。願聞制之道。岐伯曰。寒熱燥溼。不同長也。

其化也

制之道。乃寒則不熱，熱則不寒，燥則不溼，溼則不燥。寒熱燥溼不同，其化有以制之。如

下文所

云也。故少陽在泉，寒毒不生，其味辛。其治苦酸。其

穀蒼丹

少陽火也。故但論在泉之氣，在泉者，地氣也。生毒猶獨也。陰陽不和，偏勝則毒也。火制其金，不但

寒毒不生，其味辛者，亦不生也。苦火味也。酸木味也。承厥陰之木氣，故其治苦酸。其穀蒼丹，陽明在泉，溼

毒不生，其味酸。其氣溼，其治辛苦甘。其穀丹素，陽明

燥而不溼，故溼毒不生。金制其木，其味酸者，亦不生

也。又曰：其氣溼者，申明其味之酸，一如其氣之溼。猶

之溼毒之不生也。辛，金味也。苦，火味也。甘，土味也。陽

明在泉，秉金土之氣，而上承少陰之火熱，故其治辛

色也。故其穀丹素，金

太陽在泉，熱毒不生，其味苦。其

治淡鹹其穀穀。稬水制其火其味苦者亦不生也。淡味附於甘。淡土味也。鹹水味也。穀土色也。稬乃黑黍。水之穀也。太陽在泉上承太陰。太陰者土也。故其治淡鹹其穀。厥陰在泉。清毒不生。其味甘。其治酸苦。其穀蒼赤。其氣專。其味正。厥陰在泉。風氣屬陽。故清毒不生。木制其土。其味甘者亦不生也。厥陰在泉。上承少陽。故其治酸苦。其穀蒼赤。上承少陽。則在泉者。厥陰中見者。亦厥陰在泉中見。無有二氣。故其氣專在泉中見。無有二味。故其味正。專不二也。正不偏也。少陰在泉。寒毒不生。其味辛。其治辛苦甘。其穀白丹。少陰少陽皆屬於火。故寒毒不生。其味辛與少陽相同。解亦同之。少陰在泉。上承陽明。陽明秉金土之氣。故其治辛苦甘。其穀白丹。太陰在泉。燥毒不生。其味鹹。其氣熱。其治甘鹹。其穀穀。稬。

化消則鹹守氣專則辛化而俱治太陰在泉溼而不燥故燥毒不生土  
制其水其味鹹者亦不生也又曰其氣熱者謂燥同  
於熱燥毒不生則熱毒亦不生以燥熱之同而類推  
之則寒氣同於溼風氣同於燥清氣同於寒亦舉一  
以例其餘也甘土味也鹹水味也黃土色也秬黑黍  
也太陰在泉上承太陽故其治甘鹹其穀秬稻消柔  
和也化消在泉上承太陽柔和之水下化也化消則鹹守言  
太陰在泉土制其水鹹味不生上承太陽水化之消  
則鹹守氣專則辛化而俱治言辛屬燥金之味太陰  
在泉燥毒不生若太陰之氣專則土生其金辛味  
生化而與太陰俱治太陰如是餘可類推舉一以例  
其餘聖人立故曰補上下者從之治上下者逆之以  
言之法也

所在寒熱盛衰而調之故曰上取下取內取外取以  
求其過能毒者以厚藥不勝毒者以薄藥此之謂也

上下司天在泉也。上下之氣不足則補，有餘則治。故曰：補上下者從之，從順也；如木火不足則用酸苦之味以補之，金水不足則用辛鹹之味以補之，補猶助也。治上下者逆之，逆反也，如風淫所勝治以辛涼，熱淫所勝治以鹹寒，寒淫所勝治以甘溫之類，治猶平也。所謂從之逆之者，乃以所在之寒熱或盛或衰而調之，使和也。司天在泉則有上下五運在中，則有內外，取其有過者而補治之，故曰：上取下取，內取外取，以求其過，其氣有餘能勝毒者，投以厚味之藥，其氣不足不勝毒者，投以薄味之藥，卽此求其過而調之，之謂也。氣反者，病在上取之下，病在下取之上，病在中旁取之。申明上下內外病氣有相反者，則病在上當取之上，謂氣滯於下而宜升之也；病在中當取之外，而左右旁取之，謂氣逆於中，通其經脈而旁達之也。治熱以寒，溫而行之；治寒以熱，涼而行之；治溫以清。





遺人天殃。無致邪。無失正。絕人長命。

食音嗣。凡病有久新處方有

大小。因病處方。用有毒無毒之藥。固宜有經常之制矣。是以大毒治病。十去其六而止。常毒治病。十去其七而止。小毒治病。十去其八而止。無毒治病。十去其九而止。服藥之外。更兼穀肉果菜。爲之食養。使病盡除去之。毒藥攻邪。中病卽止。無使過之。傷其正也。穀肉果菜。食養之。而病不盡。復欲治之。其行復如前法。然必先知歲氣之太過不及。無過用毒藥。伐其天和。太過而補。是盛盛也。不及而消。是虛虛也。故無盛盛。無虛虛。而遺人天殃。盛盛則致邪。虛虛則失。正。故無致邪。無失正。而絕人長命。斯可矣。帝曰。其久病者。有氣從不康。病去而瘡。奈何。氣從而順。此身宜康。其病已去。此形宜強。其有久病者。氣從而身反。岐伯曰。昭乎哉。不康。病已去。而身反瘡。其故何也。聖人之間也。化不可代。時不可違。夫經絡以通。血氣

以從。復其不足。與衆齊同。養之和之。靜以待時。謹守其氣。無使傾移。其形乃彰。生氣以長。命曰聖王。故大要曰。無代化。無違時。必養必和。待其來復。此之謂也。

帝曰。善。天之氣化。卽人之氣化也。故化不可代。天之四時。卽人之四時也。故時不可違。病則經絡不通。血氣不從。病去則經絡以通。血氣以從。病則正氣不足。不與衆同。病去則復其不足。與衆齊同。然病雖去。尤必養之和之。靜以待時。謹守其氣。無使傾移。然後其形乃彰。生氣以長。命曰壽世之聖王。化不可代。時不可違。養之和之。靜以待時。故大要曰。無代化。無違時。必養必和。待其來復。此卽帝問之謂也。帝故善之。○此一節言陰陽太少之異。五類盛衰之理。五運六氣。根中根外。皆爲五常之政也。

○六元正紀大論第七十三篇

天元紀大論引太始天元玉冊之言曰厥陰之上風氣主之少陰之上熱氣主之太陰之上淫氣主之少陽之上相火主之陽明之上燥氣主之太陽之上寒氣主之所謂本也是謂六元此篇以六元而正六十歲之紀司天在上在泉在下化運在中陽年主太陰年主少太主太過少主不及其中有化有變有勝有復有用有病不同其候帝以岐伯之言藏靈蘭之室署曰六元正紀故以名篇

○黃帝問曰六化六變勝復淫治甘苦辛鹹酸淡先後。余知之矣。夫五運之化。或從天氣。或逆天氣。或從天氣而逆地氣。或從地氣而逆天氣。或相得。或不相得。余未能明其事。欲通天之紀。從地之理。和其運。調其化。使上下合德。無相奪倫。天地升降。不失其宜。五

運宣行。勿乖其政。調之正味。從逆奈何。上篇六氣司天。六氣在泉。  
有化有變。始焉淫勝。既則復治。舉甘苦辛鹹酸淡之  
味。先後主治。帝承上篇之意。而言六氣之化。六氣之  
變。有勝有復。有淫有治。以及甘苦辛鹹酸淡之味。先  
後用之。余已知之矣。若夫五運之化。或從司天之氣。  
或逆司天之氣。或從泉之地氣。或逆泉之地氣。或從  
異也。五運上下。或相得而同。或不相得而異。未能盡  
明其事。今余欲通上天之紀。從下地之理。和其在  
之運。調其上下之化。使上下合德。無相奪倫。而地  
升降不失其四時之宜。五運宣行。勿乖其五常之政。  
更欲調之正味。之從逆。以爲民病之治。所以  
承上篇之意。而問五運六氣相合之道也。  
岐伯稽  
首再拜對曰。昭乎哉問也。此天地之綱紀。變化之淵  
源。非聖帝孰能窮其至理與。臣雖不敏。請陳其道。令

終不滅久而不易。

天地之綱紀有條不紊變化之淵源神妙莫測至理所在萬古不沒

惟聖人能問而窮之

帝曰願夫子推而次之從其類序分其部

主別其宗司昭其氣數明其正化可得聞乎。

別音必○從其

類序如子與午合丑與未合等從五行之類而序之也分其部主如厥陰主初之氣少陰主二之氣等藏之太陽司歲寒氣宗之等別其宗司如少陰司歲熱氣宗三陽之司歲也昭其氣數如子寅辰午申戌主太過合五行之成數丑卯巳未酉亥主不及合五行之生數昭其陰陽之六氣以合五行生成之數也明其正化如甲己化土乙庚化金等厥陰風化少陰熱化等明五運六氣之正化以候客邪之氣也  
帝欲推而次之以明六元正紀之義  
岐伯曰先立其年以明其氣金木水火土運行之數寒暑燥溼風





之變也。其病熱鬱火逆之病也。一歲之氣以木爲始。今太徵火運主歲。故先言太徵。太徵爲夏火。少宮爲長夏土。太商爲秋金。少羽爲冬水。少角爲春木。一歲之中。少角爲先。承上文太羽而次之。故曰少角。太陽太宮太陰甲辰歲會甲戌歲會。其運陰埃。其化柔潤重澤。其變震驚飄驟。其病溼下重。太宮少商太羽。

太角少徵。重澤之重平聲下重。澤重身俱同。○火運天在上。辰戌爲太。故太宮土運在中。而太陰在泉在下。申明太宮土運在中。乃甲辰甲戌之歲也。甲爲土運。辰戌屬土。故曰歲會。其運陰埃。宮土之運也。其化柔潤重澤。土溼之化也。其變震驚飄驟。土動之變也。其病溼下重。土滯之病也。太宮土運主歲。故先言太宮。太宮爲長夏土。少商爲秋金。太羽爲冬水。太角爲春木。少徵爲夏火。承上文少羽而次之。故曰太角。一歲之中。太角爲先。太陽太商太陰。



運寒。羽水之運也。其化凝慘深冽。水冷之化也。其變冰雪霜雹。水堅之變也。其病大寒留於谿谷。水凝之病也。太羽主歲。故先言太羽。四時之氣。太角爲先。承上文少羽而次之。故曰太角。凡此太陽

司天之政。氣化運行先天。天氣肅。地氣靜。寒臨太虛。陽氣不令。水土合德。上應辰星鎮星。其穀玄穀。其政肅。其令徐。寒政大舉。澤無陽飢。則火發待時。少陽中治。時雨乃涯。止極雨散。還於太陰。雲朝北極。溼化乃布。澤流萬物。寒敷於上。雷動於下。寒溼之氣。持於氣交。民病寒溼發。肌肉萎。足痿不收。濡寫血溢。辰戌爲太陽司天之政。凡此壬辰壬戌。戊辰戊戌。甲辰甲戌。庚辰庚戌。丙辰丙戌。皆主太過之歲。氣化運行先天時而至。

太陽寒水司天。故天氣肅。太陰溼土在泉。故地氣靜。寒水司天。故寒臨太虛。而陽氣不令。溼土在泉。故水土合德。而上應水之辰星。土之鎮星。其穀玄黓者。成熟也。天氣肅。故其政肅。地氣靜。故其令徐。寒水司天。故寒政大舉。寒政大舉。則澤無陽燄。澤無陽燄。則火發待時。待時者。待少陽中治之四氣也。溼土在泉。故時雨乃涯。時雨乃涯。水土合德也。至少陽中治之時。則止極。雨散還於在泉之太陰。太陰氣盛。故雲朝北極。雲朝北極。則溼化乃布。而澤流萬物。合而言之。太陽司天。則寒敷於上。太陰在泉。少陽中治。則雷動於下。寒敷則寒。雷動則溼。寒溼之氣。持於三氣。四氣之交。發為民病。民病寒溼發。本寒溼之氣。而發病也。肌肉萎。足萎不收。濡寫血溢。此寒溼而兼火鬱之病也。初之氣。地氣遷。氣乃大溫。草乃早榮。民乃厲。溫病乃作。身熱。頭痛。嘔吐。肌腠瘡瘍。加臨客氣。以在泉之右氣為始。如太陰在泉。則右位之少陽。加於初之氣。陽明加於二之氣。太陽加



之客氣故寒。外病寒而中反熱，癰疽注下，寒制之而熱氣不上也。心熱瞋悶，寒折之而熱氣不達也。不急治之，將陷溺矣。四之氣，風溼交爭，風化爲雨，乃長。乃故不治者死。

化乃成。民病大熱，少氣，肌肉萎，足痿。注下赤白，長上聲下

同。○四之氣，厥陰客，氣加臨，厥陰風也。太陰在泉，太陰溼也。故風溼交爭，風溼交爭，故風化爲雨。風化爲雨，則萬物乃長。乃化乃成。風木生火，故民病大熱。木制其土，故少氣。病太陰脾土，故肌肉萎，足痿，病厥陰肝木，則注下。五之氣，陽復化，草乃長。乃化乃成。民乃舒。

五之氣，少陰客，氣加臨，少陰主二之氣，上文二之氣，草乃遇寒，火氣遂抑。至此客氣加臨，則火氣遂抑者，而陽復化，草乃遇寒者，而草乃長，乃終之氣。地氣正，化乃成。先鬱後伸，故民乃舒而無病。淫令行，陰凝太虛，埃昏郊野，民乃慘淒，寒風以至反。

者。孕乃死。終之氣。太陰客氣加臨。合其在泉之氣。故地氣正。溼令行。陰凝太虛。溼令行也。埃昏郊野。地氣正也。太陽寒水主。終之氣。故民乃慘。悽而寒。風以至。此加臨之氣。合在泉之氣。主時之氣。合司天之氣。無有偏勝。民當無病。若無寒溼之化。而有火熱之氣。是爲反者。反則胎孕不育。不成。故孕乃死。故歲宜苦以燥之。溫之。必折其鬱氣。先資其化源。抑其運氣。扶其不勝。無使暴過而生其疾。食歲穀以全其真。避虛邪以安其正。適氣同異。多少制之。同寒溼者。燥熱化。異寒溼者。寒溼化。故同者多之。異者少之。用寒遠寒。用涼遠涼。用溫遠溫。用熱遠熱。食宜同法。有假者反常。反是者病。所謂時也。舊本寒溼化之寒訛。燥今改。○太陽





歲故又曰丁酉其運風角木之運也清者金之勝熱者火之復此一歲之氣也若四時之氣則少角爲春太徵爲夏少宮爲長夏陽明少徵少陰寒雨勝復同太商爲秋少羽爲冬

同正商癸卯癸酉其運熱寒雨少徵太宮少商太羽

太角

木運之次火運繼之火運不及故陽明在上少徵火運在中少陰在下寒雨勝復同言少徵火

運不及始則水之寒氣勝既則土之雨氣復勝與復同主一歲之氣陽明上臨金氣勝矣火運在中金得其平故同正商少徵火運乃癸卯癸酉之歲其運熱徵火之運也寒者水之勝雨者土之復此一歲之氣也歲運少徵故先言少徵少徵夏火也太宮長夏土也少商秋金也太羽冬水也太角春木也此四時之氣也四時之陽明少宮少陰風涼勝復同己卯己酉氣太角爲先

其運雨風涼少宮太商少羽少角太徵

火運之次土運繼之己爲



爲歲會亦爲天符。天符兼歲會則爲太乙天符。其運涼。商金之氣也。熱者火之勝。寒者水之復。少商歲運。故先言秋。金之少商而陽明。少羽。少陰。雨風勝復同。四時之氣。角木爲先。

辛卯少宮同。辛酉辛卯。其運寒。雨風。少羽。少角。太徵。

少宮。太商。金運之次。水運繼之。辛爲水運不及。故陽

復同。言少羽水運不及。始則土之雨氣勝。既則木之風氣復勝。與復同主一歲之氣。水運不及。則土氣勝。

當辛卯之歲。卯木制土。故辛卯少宮同。上文皆同。正商。此但舉一歲而少宮同。蓋舉一以補上文之未盡。

欲人倣此類推。不可執一之意。少羽水運。乃辛酉辛卯之歲。其運寒。羽水之運也。雨者土之勝。風者木之

復。少羽水運。故先言少羽之冬。凡此陽明司天之政。四時之氣。始於角而終於羽。

氣化運行後天。天氣急。地氣明。陽專其令。炎暑大行。

物燥以堅。涇風乃治。風燥橫運。流於氣交。多陽少陰。  
雲趨雨府。涇化乃敷。燥極而澤。其穀白丹。間穀命太  
者。其耗白甲。品羽。金火合德。土應太白。焚惑其政切。  
其令暴。蟄蟲乃見。流水不冰。民病瘳。噬寒。寒熱發。暴  
振凜。瘳閉。清先而勁。毛蟲乃死。熱後而暴。介蟲乃殒。  
其發躁。勝復之作。擾而大亂。清熱之氣。持於氣交。間去  
聲見音現。下俱同。○卯酉爲陽。明司天之政。凡此丁  
卯丁酉。癸卯癸酉。己卯己酉。乙卯乙酉。辛卯辛酉。皆  
主不及之歲。氣化運行。後天時而至。陽明燥。金司天。  
故天氣急。急勁急也。少陰君火在泉。故地氣明。明光  
明也。陽明在上。君火在下。故陽專其令。炎暑大行。而  
物燥以堅。主時之初氣。厥陰風木。故涇風乃治。燥金









氣之閒穀以去其外邪。上燥下火，其氣燥熱，故宜水  
味之鹹以治之，更以苦濟火，以辛益燥，或汗之，或清  
之，或散之，去其外邪而安其運氣也。折其鬱氣，必先  
資其化源，更以寒熱之輕重而制氣味之少多，如同  
熱氣者多金，寒之天氣以制化，同清氣者多火，熱之  
地氣以制化，用涼遠涼至假者反之，解同上文，此其  
道也。言此乃治得其平之道，反是者言不有其道以  
治之也。亂天地之經，則上下不和，擾陰陽之紀，則傳  
次失宜。上文太陽寒氣司天，故先言用寒遠寒，此陽  
明金氣司天，故先言用涼遠涼。下文少陽相火，少陰  
君火司天，則先言用熱遠熱。太陰溼氣司天，亦先言  
用涼遠涼，厥陰風氣司天，則先言用溫遠溫，皆從其  
類而首言之。母帝曰：善。少陽之政，奈何？岐伯曰：寅申  
之紀也。少陽太角，厥陰壬寅壬申，其運風鼓，其化鳴  
索，啟坼，其變振拉摧拔，其病掉眩，支脇驚駭。太角少





背胸中肺金之病也。太  
商少羽等解同太陽。少陽太羽厥陰丙寅丙申其

運寒肅其化凝慘栗冽其變冰雪霜雹其病寒浮腫

太羽太角少徵太宮少商

金運之次水運繼之少陽  
在上太羽水運在中厥陰

在下乃丙寅丙申之歲其  
凝慘栗冽水冷之化也其  
其病寒浮腫水凝之病也  
太羽太角等解同太陽凡此少陽司天之政氣化

運行先天天氣正地氣擾風乃暴舉木偃沙飛炎火

乃流陰行陽化雨乃時應火木同德上應熒惑歲星

其穀丹蒼其政嚴其令擾故風熱參布雲物沸騰太

陰橫流寒乃時至涼雨並起民病寒中外發瘡瘍內













則水之寒氣勝。既則土之雨氣復。勝與復同。主一歲之氣。太陰司天。火運在中。乃癸丑癸未之歲。其運熱。徵火之運也。寒者水之勝。雨者土之。復少徵主運。故先言少徵。解同陽明。太陰少宮。太陽風清勝復同。同正宮。己丑太乙天符。己未太乙天符。其運雨。風清少宮。太商少羽。少角太徵。言少徵之次。因土運不及。故上太陰中少宮。下太陽風清勝復同。謂土運不及。始則木之風氣勝。既則金之清氣復。勝與復同。主一歲之氣。少宮土運不及。上臨太陰。故同正宮。己土運也。土運臨丑未。是為歲會。土運之歲。上見太陰。是為天符。天符合歲會。是為太乙天符。故己丑己未皆為太乙天符。其運雨。宮土之運也。風者木之勝。清者金之復。首言少陽明。太陰少商。太陽熱寒勝復同。乙丑乙未。其運涼熱寒少商。太羽太角少徵太宮。少

之次。因言少商。乙爲金。運不及。故上太陰。中少商。下  
太陽。熱寒勝復同。謂金運不及。始則火之熱氣勝。既  
則水之寒氣復。勝與復同。主一歲之氣。少商金運上  
臨太陰。乃乙丑乙未之歲。其運涼。金之運也。熱者火  
之勝。寒者水之復。少商主。太陰。少羽。太陽。雨風勝復  
運。故先言少商。解同陽明。太陰。少羽。太陽。雨風勝復  
同。同正宮。辛丑辛未。其運寒。雨風。少羽。少角。太徵。少  
宮。太商。少商之次。因言少羽。辛爲水。運不及。故上太  
始則土之雨氣勝。既則木之風氣復。勝與復同。主一  
歲之氣。上臨太陰。土勝木復。故同正宮。少羽水運。太  
陰司天。乃辛丑辛未之歲。其運寒。羽水之運也。雨者  
土之勝。風者木之復。少羽主運。故先言少羽。解同陽  
明。凡此太陰司天之政。氣化運行後天。陰專其政。陽  
氣退避。大風時起。天氣下降。地氣上騰。原野昏霧。白

埃四起。雲奔南極。寒雨數至。物成於差夏。民病溫溼。腹滿身臃。憤。肘腫痞逆。寒厥拘急。溼寒合德。黃黑埃昏。流行氣交。上應鎮星辰星。其政肅。其令寂。其穀斡。玄。故陰凝於上。寒積於下。寒水勝火。則爲冰雹。陽光不治。殺氣乃行。故有餘宜高。不及宜下。有餘宜晚。不及宜早。土之利。氣之化也。民氣亦從之。間穀命其太也。霧與豬同音。茂。數音朔。差音雌。下俱同。○丑未爲太陰司天之政。凡此丁丑丁未。癸丑癸未。己丑己未。乙丑乙未。辛丑辛未。皆主不及之歲。故氣化運行。後天時而至。太陰司天。故陰專其政。陰專其政。則陽氣退避。土不及而木勝。故大風時起。天氣下降。司天之氣也。地氣上騰。在泉之氣也。原野昏霧。白埃四起。



謂之間穀。太陰司天。寅申少陽居右。子午少陰居左。子午寅申皆陽年主太。故間穀成熟。命其太也。初之氣。地氣遷。寒乃去。春氣正。風乃來。生布。萬物以榮。民氣條舒。風溼相薄。雨乃後。民病血溢。筋絡拘強。關節不利。身重筋痿。強上聲。○初之客氣加臨。乃太陽之右。厥陰之氣也。初之氣始於春。故寒乃去。春氣正。厥陰風氣也。故風乃來。春氣生而風氣布。故曰生布。春生風布。故萬物以榮。而民氣條舒。風溼相薄者。加臨之氣。屬於風。與司天之溼氣相薄也。溼不勝風。故雨乃後。民病血溢。筋絡拘強。風病也。關節不利。身重筋痿。溼病也。二之氣。大火正。物承化。民乃和。其病溫厲。大行。遠近咸若。溼蒸薄。雨乃時降。二之客氣主氣。皆少陰君火。故大火正。火生其土。故物承化。而民乃和。溫厲大行。火熱病也。遠近咸若。氣之盛也。蒸熱也。溼蒸相薄。

司天淫氣與加臨熱氣相薄也。淫熱相薄則火土相生故雨乃時降。三之氣天政布。淫氣降地氣騰雨乃時降。寒乃隨之感於寒淫則民病身重肘腫胸腹滿。三之客氣乃太陰淫土氣合司天。上騰則雨乃時降。地氣者太陽寒水之氣也故氣騰雨降寒乃隨之。斯時感於寒淫則民病身重肘腫胸腹滿。四之氣畏火臨。溽蒸化地氣騰天氣否隔寒風曉暮蒸熱相薄草木凝煙淫化不流則白露陰布以成秋令。民病腠理熱血暴溢瘡心腹滿熱。腫脹甚則肘腫。否批上聲下同。○畏火相火也。四之客氣少陽相火故曰畏火臨。太陰淫氣司天少陽相火加臨故溽蒸化。猶言淫熱相蒸淫化爲熱也。淫熱蒸化而寒水之地氣上騰則天氣亦否隔矣。否隔閉塞不通之

意寒風曉暮。秋之氣也。蒸熱相薄。火加臨也。寒風曉  
暮。則草木凝煙。蒸熱相薄。則溼化不流。當此之時。則  
白露陰布。以成秋令。民病腠理熱。血暴溢。火病也。瘡  
心腹滿熱。臃脹溼熱病也。甚則附腫。寒溼病也。此溼  
氣司天。寒氣在泉。火氣五之氣。慘令已行。寒露下。霜  
加臨。而有如是之病也。  
乃早降。草木黃落。寒氣及體。君子周密。民病皮腠。  
客氣陽明燥金。金氣肅殺。故慘令以行。慘令行。則寒  
露下。霜乃早降。草木黃落。而寒氣及體。斯時也。君子  
周密。則無病。民不終之氣。寒大舉。溼大化。霜乃積。陰  
周密。則病。皮腠。乃凝。水堅冰。陽光不治。感於寒。則病人關節禁固。腰  
膝痛。寒溼推於氣交。而爲疾也。  
氣盛。故溼大化。猶言溼化爲水也。寒極而水不行。則  
霜乃積。陰乃凝。霜積。則水堅冰。陰凝。則陽光不治。其

時感於寒。則病人關節禁固。腰膝痛。唯脊尻也。關節  
禁固而腰膝痛。乃寒溼之病。故曰寒溼。終之主氣客  
氣。皆太陽之寒。未始有溼。惟三之主氣客氣。有太  
陰之溼。故止寒溼之病。推於氣交之時。而為疾也。必  
折其鬱氣。而取化源。益其歲氣。無使邪勝。食穀穀以  
全其真。食間穀以保其精。故歲宜以苦燥之。溫之。甚  
者發之。泄之。不發不泄。則溼氣外溢。肉潰皮折。而水  
血交流。必贊其陽火。令禦甚寒。從氣異同。少多其制  
也。同寒者。以熱化。同溼者。以燥化。異者少之。同者多  
之。用涼遠涼。用寒遠寒。用溫遠溫。用熱遠熱。食宜同  
法。假者反之。此其道也。反是者病也。鬱者復之基。故  
必折其鬱氣。而

先取化源以資之。歲運不及則益其歲氣無使邪勝。食齡立之歲穀以全其真。食左右之間穀以保其精。寒溼之歲宜以火味之苦以燥溼。火味之苦以溫寒。寒之甚者更當發之。溼之甚者更當泄之。若寒溼甚而不發不泄則溼氣外溢致肉潰皮拆肉潰皮拆而水血交流矣。贊助也是必助其陽火令防禦其甚寒。從氣之異同而氣味之少多可制也。同太陽之寒者以氣味之熱而制化之。同太陰之溼者以氣味之燥而制化之。異乎寒溼而宜寒溼之氣味者宜少用之。同乎寒溼而宜熱燥之氣味者宜多用之。寒熱溫涼不可太過故用涼遠。帝曰善。少陰之政奈何。岐伯曰涼有如上文所云也。帝曰善。少陰之政奈何。岐伯曰。

子午之紀也。少陰太角。陽明壬子壬午。其運風鼓。其

化鳴素啟坼。其變振拉摧拔。其病支滿。太角少徵。太

宮少商。太羽。

子午屬少陰。帝問少陰之政。故曰子午之紀也。少陰在上。太角木運在中。陽明

在下。當壬子壬午之歲。其運其化。其變。與太陽少陽之太角同。其病支滿。木尅土也。太角少徵。太宮少商。太羽。序同。太少陰。太徵。陽明。戊子天符。戊午太乙天陽解。亦同之。少陰。太徵。陽明。戊子天符。戊午太乙天符。其運炎暑。其化暄曜鬱燠。其變炎烈沸騰。其病上熱血溢。太徵。少宮。太商。少羽。少角。太角之次。因言太徵。少陰在上。太徵

在中。陽明在下。當戊子戊午之歲。戊子為火運。子為少陰。君火。運合司天。故曰戊子天符。戊為火運。午為少陰。君火。而午支又屬於火。運與歲會。又合天符。故曰戊午太乙天符。其運其化。其變。其病。與太陽少陽之太徵同。太徵少宮。太商少羽。少少陰。太宮。陽明。甲子角。亦與太陽少陽之太徵同。少陰。太宮。陽明。甲子

甲午。其運陰雨。其化柔順時雨。其變震驚飄驟。其病中滿身重。太宮。少商。太羽。太角。少徵。太徵之次。因言太宮。少陰在上。

太宮在中。陽明在下。當甲子甲午之歲。其運其化。其變其病。與太陽少陽之太宮同。太宮少商太羽太角。少徵亦與太陽少陰。太商。陽明。庚子庚午。同正商。其少陽之太宮同。少陰。太商。陽明。庚子庚午。同正商。其運涼勁。其化霧露蕭颺。其變肅殺凋零。其病下清。太商。少羽。少角。太徵。少宮。太宮之次。因言太商。少陰在上。太商在中。陽明在下。當庚子庚午之歲。太商主運。金氣勝矣。上臨君火。金不過勝。故同正商。其運其化。其變。與太陽少陽之太商同。其病下清。金寒之病也。太商少羽少角。太徵少宮亦與太陽少陽之太商同。少陰。太羽。陽明。丙子歲會。丙午。其運寒。其化凝慘凜冽。其變冰雪霜雹。其病寒下。太羽。太角。少徵。太宮。少商。太商之次。因言太羽。少陰在上。太羽在中。陽明在下。當丙子丙午之歲。丙子為水運。水運臨子。是為歲會。其運其化。其變其病。與

太陽少陽之太羽同。太羽太角少徵。凡此少陰司天。太宮少商亦與太陽少陽之太羽同。凡此少陰司天之政。氣化運行先天地氣肅。天氣明。寒交暑。熱加燥。雲馳雨府。溼化乃行。時雨乃降。金火合德。上應熒惑。太白。其政明。其令切。其穀丹白。水火寒熱持於氣交。而爲病始也。熱病生於上。清病生於下。寒熱凌犯而爭於中。民病欬喘。血溢血泄。軌噫。目赤眚瘍。寒厥入胃。心痛腰痛。腹大噎乾。腫上。子午爲少陰司天之政。凡此壬子壬午戊子戊午。甲子甲午庚子庚午丙子丙午。皆主太過之歲。故氣化運行。先天地氣而金氣在泉。故地氣肅。火氣司天。故天氣明。少陰火熱在上。初之客氣。太陽寒水。是寒交暑也。陽明燥金在下。五之客氣。少陽相火。是熱

加燥也。四之客氣。太陰溼土。故又曰雲馳雨府。溼化乃行。時雨乃降。在泉者。金司天者。火。故金火合德。上應熒惑太白二星。天氣明。故其政明。地氣肅。故其令切。其穀。丹白。火金之穀也。少陰君火。是水。火寒熱持於氣。太陽寒水。三之客氣。少陰君火。是水。火寒熱持於氣。交之候。而爲受病之始也。火氣司天。故熱病生於上。金氣在泉。故清病生於下。寒交暑。熱加燥。故寒熱凌犯而爭於中。民病欬喘。血溢。血泄。鼽嚏。目赤。皆瘍。燥熱病也。寒厥入胃。心痛。腰痛。腹大。噎。乾腫。上寒。溼病也。初之氣。地氣遷。燥將去。

寒乃始。蟄復藏。水乃冰。霜復降。風乃至。陽氣鬱。民反

周密。關節禁固。腰脰痛。炎暑將起。中外瘡瘍。初之客

寒。水。地氣遷者。從陽明而遷於太陽也。去陽明之燥。始。太陽之寒。故燥將去。寒乃始。蟄藏蟲也。冬時蟲已蟄藏。至此。客氣加臨。則蟄復藏。而水乃冰。霜復降。初之主氣。厥陰風木。故風乃至。風乃至。而有太陽之寒。

則陽氣鬱。陽氣鬱。則民反周密。病關節禁固。腰膝痛。寒客之病也。二之主氣。少陰君火。氣合同天。故始則寒。乃始繼則炎暑將起。二之氣。陽氣布。風乃行。春氣炎暑將起。則中外瘡瘍。二之氣。陽氣布。風乃行。春氣以正。萬物應榮。寒氣時至。民乃和。其病淋。目瞑。目赤。氣鬱於上而熱。二之客氣。厥陰風木。風為陽氣。故陽正。春氣以正。則萬物應榮。春氣雖正。萬物雖榮。天氣猶寒。故寒氣時至。則民乃和。若寒氣不能時至。主時之熱氣相交。則其病淋。目瞑。目赤。氣鬱於上而熱。凡此皆少陰火熱之病也。三之氣。天政布。大火行。庶類蕃鮮。寒氣時至。民病氣厥心痛。寒熱

更作。欬喘目赤。

更平聲下同。○三之客氣。少陰君火。氣合同天。故天政布。大火行。火氣長。

萬物而光明。故庶類蕃鮮。三氣應熱。若寒氣時至。則民病氣厥心痛。因於寒也。且寒熱更作。欬喘目赤。寒



之客氣屬於少陽。故餘火內格。內格而衝於上。則爲欬。爲喘。甚則血溢也。終之主氣。太陽寒水。故寒氣數舉。寒氣數舉。則天氣昏霧。如霧之翳。太陽之氣行於通體。故病生皮膚。從樞脇而下。挾膀胱。故內合於脇。下連少腹。而作寒中之病。陽明客氣加臨。不病陽明之燥。而病太陽之寒。以陽明之氣。又主司地。司地之氣。至終氣。必抑其運氣。資其歲勝。折其鬱發。先取化源。無使暴過而生其病也。食歲穀以全真氣。食間穀以辟虛邪。歲宜鹹以真之。而調其上。甚則以苦發之。以酸收之。而安其下。甚則以苦泄之。適氣同異而多少之。同天氣者。以寒清化。同地氣者。以溫熱化。用熱遠熱。用涼遠涼。用溫遠溫。用寒遠寒。食宜同法。有假







土之雨氣勝。既則木之氣復勝。與復同主一歲之氣。歲當辛巳辛亥。其運主水。水之運也。兩者土之勝風者。木之復少羽少陰。凡陰司天之政。氣化運行角等。亦同陽明太陰。凡陰司天之政。氣化運行後天。諸同正歲。氣化運行同天。天氣擾地氣正。風生高遠。炎熱從之。雲趨雨府。澤化乃行。風火同德。上應歲星熒惑。其政撓其令。運其穀蒼丹。間穀言太者。其耗文角品羽。風燥火熱。勝復更作。蟄蟲來見。流水不冰。熱病行於下。風病行於上。風燥勝復形於中。巳亥為厥陰司天之政。凡此丁巳丁亥癸巳癸亥巳巳巳亥乙巳乙亥辛巳辛亥皆主不及。故氣化運行後天時而至。六十歲中六氣司天氣化運行非先天。即後天。其中諸歲會之年。則同正歲。諸同正歲氣化運行同於







歲宜以辛調上。以鹹調下。畏火之氣。無妄犯之。用溫  
遠溫。用熱遠熱。用涼遠涼。用寒遠寒。食宜同法。有假  
反常。此其道也。反是者病。鬱者復之基。故必折其鬱  
氣。若欲折之。尤當資其化  
源。歲運不及。故贊其運氣。贊其運氣。則無使邪勝也。  
木氣在上。宜以金味之辛調其上。火氣在下。宜以水  
味之鹹調其下。其少陽相火之氣。無妄犯之。不可犯  
以火味也。用藥治病。亦當用溫遠溫。用熱遠熱。而得  
其平。帝曰。善。夫子言可謂悉矣。然何以明其應乎。應徵  
驗也。  
六氣主時。客氣加臨。何以明其徵驗乎。岐伯曰。昭乎哉問也。夫六氣者。  
行有次。止有位。故常以正月朔日。平旦視之。觀其位。  
而知其所在矣。運有餘。其至先。運不及。其至後。此天











泉故下加少陽辛丑辛未二歲辛爲水運不及故曰  
少羽丑未太陰司天則太陽寒水在泉故下加太陽  
癸卯癸酉二歲癸爲火運不及故曰少徵卯酉陽明  
司天則少陰君火在泉故下加少陰一則少徵火運  
而同少陽之地化一則少羽水運而同太陽之地化  
一則少徵火運而同少陰之地化此不及而同地化  
者亦三有戊子戊午太徵上臨少陰戊寅戊申太徵  
如是也

上臨少陽丙辰丙戌太羽上臨太陽如是者三戊子  
之歲戊爲火運太過故曰太徵子午少陰司天故上  
臨少陰戊寅戊申二歲戊爲火運太過故曰太徵寅  
申少陽司天故上臨少陽丙辰丙戌二歲丙爲水運  
太過故曰太羽辰戌太陽司天故上臨太陽一則太  
徵火運而同少陰之天化一則太徵火運而同少陽  
之天化一則太羽水運而同太陽之天化此太過而  
同天化者三丁巳丁亥少角上臨厥陰乙卯乙酉少  
有如是也













金之生數也。水氣在下。故寒化六。此溼化清化寒化。乃上中下之氣。所謂正化日也。其化上溼。則宜火味。之苦熱以治之。其化中燥。則宜木味之酸和以治之。其化下寒。則宜土味之甘熱以治之。甘熱乃土勝其水。轉寒爲熱也。所謂藥食之相宜也。丙寅丙申歲。上少陽相火。中太羽水。運下厥陰木。火化二。寒化六。風化三。所謂正化日也。其化上鹹寒。中鹹溫。下辛溫。所謂藥食宜也。寅申司天。故丙寅丙申歲。上少陽相火。丙爲水運太過。故中太羽水運。少陽在上。則厥陰在下。故下厥陰木。火氣在上。故火化二。水運在中。而太過。故寒化六。六水之成數也。木氣在下。故風化三。此火化寒化風化。乃上中下之氣。所謂正化日也。其化上火。則宜水味之鹹寒以治之。其化中水。則宜水味之鹹溫以治之。既曰鹹寒。復曰鹹溫。以明鹹味亦有性溫者也。其化下木。則宜金味之辛溫以治之。所謂藥食之相宜也。藥





涼中甘和。下鹹寒。所謂藥食宜也。巳亥之歲厥陰司天。故巳巳巳亥歲

上厥陰木。巳爲土運不及。故中少宮土運不及。始則木之風則少陽在下。故下少陽相火土運不及。復同主一歲之氣。非上化勝。旣則金之清化。復勝與復。同主一歲之氣。非上中下正氣之化。所謂邪氣化日也。災五宮中央土位也。木氣在上。故風化三。土運在中而不及。故溼化五。火氣在下。故火化七。此風化溼化火化。乃上中下之氣。所謂正化日也。其化上風。故宜金味之辛涼以治之。其化中溼。故宜土味之甘和以治之。其化下火。故宜水味之鹹寒以治之。庚午庚子歲上少陰火。中太所謂藥食之相宜也。

商金運。下陽明金。熱化七。清化九。燥化九。所謂正化

日也。其化上鹹寒。中辛溫。下酸溫。所謂藥食宜也。庚爲

金運太過。故庚午庚子歲上少陰火。中太商金運。下陽明金。火氣在上。故熱化七。金運在中而太過。故清

六元  
奎



也。其化上濕則宜火味之苦熱以治之。其化中寒則宜火味之甘和以治之。其化下寒亦宜火味之苦熱以治之。所謂藥王申壬寅歲上少陽相火中太角木食之相宜也。

運下厥陰木火化二。風化八。所謂正化日也。其化上

鹹寒中酸和。下辛涼。所謂藥食宜也。王為木運太過

上少陽相火中太角木運下厥陰木火氣在上故火化二。木運在中而太過又木氣在下故皆風化八。入木之成數也。此火化風化乃上中下之氣所謂正化日也。其化上火則宜水味之鹹寒以治之。其化中風則宜木味之酸和以治之。其化下風則宜金味之辛涼以治之。所謂藥食之相宜也。癸酉癸卯

歲上陽明金中少徵火運下少陰火寒化雨化勝復

同。所謂邪氣化日也。災九宮燥化九熱化二。所謂正







中下正氣之化。乃邪氣化度也。災三宮。凡丁卯木運不及。皆然也。土氣在上。故雨化五。木運在中。而不及。故風化三。水氣在下。故寒化一。此上中下之氣。乃正化度也。其化上溼。則宜火味之。苦溫以治之。其化中風。則宜金味之。辛溫以治之。其化下寒。則宜土味之。甘熱以治之。此藥食之相宜也。戊寅戊申歲。上少陽相火。中太徵火運。下厥陰木。火化七。風化三。正化度也。其化上鹹寒。中甘和。下辛涼。藥食宜也。戊為火運太過。故戊寅戊申歲。上少陽相火。中太徵火運。下厥陰木。火氣在上。火運在中。而太過。故火化七。木氣在下。故風化三。此上中下之氣。乃正化度也。其化上熱。則宜水味之。鹹寒以治之。其化中熱。則宜土味之。甘和以治之。其化下風。則宜金味之。辛涼以治之。此藥食之相宜也。己卯己酉歲。

上陽明金。中少宮土運。下少陰火。風化清化勝復同。



氣在上。故寒化一。金運在中。而太過。故清化九。土氣在下。故雨化五。此上中下之氣。乃正化度也。其化上寒。則宜火味之苦熱。以治之。其化中清。則宜金味之辛溫。以治之。其化下溼。則宜土味之甘熱。以治之。此藥食之。辛巳辛亥歲。上厥陰木。中少羽水運。下少陽相火。雨化風化勝復同。邪氣化度也。災一宮。風化三。寒化一。火化七。正化度也。其化上辛涼。中苦和。下鹹寒。藥食宜也。辛為水運不及。故辛巳辛亥歲。上厥陰始。則土之雨化勝。既則木之風化復。勝與復同。主一歲之氣。非上中下正氣之化。乃邪氣化度也。災一宮。凡辛年水運不及。皆然也。木氣在上。故風化三。水運在中。而不及。故寒化一。火氣在下。故火化七。此上中下之氣。乃正化度也。其化上風。則宜金味之辛涼。以治之。其化中寒。則宜火味之苦和。以治之。其化下熱。

則宜水味之鹹寒以治之。此藥食之相宜也。王午壬子歲上少陰火。中太

角木運。下陽明金。熱化二。風化八。清化四。正化度也。

其化上鹹寒。中酸涼。下酸溫。藥食宜也。王爲木運太

子歲上少陰火。中太角木運。下陽明金。火氣在上。故

熱化二。木運在中。而太過。故風化八。金氣在下。故清

化四。此上中下之氣。乃正化度也。其化上熱。則宜水

味之鹹寒以治之。其化中風。則宜木味之酸涼以治

之。其化下清。則宜木味之酸。癸未癸丑歲上太陰土。

中少徵火運。下太陽水。寒化雨。化勝復同。邪氣化度

也。災九宮。雨化五。火化二。寒化一。正化度也。其化上

苦溫。中鹹溫。下甘熱。藥食宜也。癸爲火運不及。故癸

未癸丑歲上太陰土。





熱中鹹溫下甘熱藥食宜也。

丙為水運太過故丙戌

羽水運下太陰土水氣在上水運在中而太過故皆  
寒化六土氣在下故雨化五此上中下之氣乃正化  
度也其化上寒則宜火味之苦熱以治之其化中寒  
則宜水味之鹹溫以治之其化下溼則宜土味之甘  
熱以治之此藥食之相宜也。

丁亥丁巳歲上厥陰木中少角木運

下少陽相火清化熱化勝復同邪氣化度也災三宮。

風化三火化七正化度也其化上辛涼中辛和下鹹

寒藥食宜也。

丁為木運不及故丁亥丁巳歲上厥陰  
木中少角木運下少陽相火木運不及

始則金之清化勝既則火之熱化復勝與復同主一  
歲之氣非上中下正氣之化乃邪氣化度也凡丁運  
之歲災皆三宮木氣在上木運在中而不及故皆風  
化三火氣在下故火化七此上中下之氣乃正化度

也。其化上風。則宜金味之辛涼以治之。其化中風。則宜金味之辛和以治之。其化下火。則宜水味之鹹寒以治之。此藥食之相宜也。戊子戊午歲。上少陰火。中太徵火運。下

陽明金。熱化七。清化九。正化度也。其化上鹹寒。中甘

寒。下酸溫。藥食宜也。

戊爲火運太過。故戊子戊午歲。上少陰火。中太徵火運。下陽明

金。火氣在上。火運在中。而太過。故皆熱化七。金氣在下。故清化九。此上中下之氣。乃正化度也。其化上熱。則宜水味之鹹寒以治之。其化中熱。則宜土味之甘寒以治之。其化下清。則宜木味之酸溫以治之。此藥食之相宜也。己丑己未歲。上太陰土。中少宮土運。下太陽

水。風化清化勝復同。邪氣化度也。災五宮。雨化五。寒化一。正化度也。其化上苦熱。中甘和。下甘熱。藥食宜







此上中下之氣。乃正化度也。其化上風。則宜金味之辛涼以治之。其化中熱。則宜水味之鹹和以治之。其化下熱。則宜水味之鹹寒以治之。此藥食之相宜也。凡此定期之紀。勝復正化。皆有常數。不可不察。故知其要者。一言而終。不知其要。流散無窮。此之謂也。總結上文。言凡此定期之紀。勝復者。不及之年。正化者。太過之歲。皆有常數。帝曰。善。五運之氣。亦復歲平。上文貴察而知其要也。帝曰。善。五運之氣。亦復歲平。上文則為正化。不及。則有勝復。帝承上文而問五運之氣。一歲之中。亦有復平。復先鬱後復也。岐伯曰。鬱極乃發。待時而作也。復者。鬱極乃發。其復必待時而作也。謂歲運與主時之氣相合而始復也。帝曰。請問其所謂也。待時而作。何謂。岐伯曰。五常之氣。太過不及。其發異也。過。有不及。其發異也。異。不常。



爲白氣。飄驟高深。擊石飛空。洪水乃從。川流漫衍。田  
牧土駒。化氣乃敷。善爲時雨。始生。始長。始化。始成。故  
民病心腹脹。腸鳴而爲數後。甚則心痛脇膜。嘔吐霍  
亂。飮發注下。胕腫身重。雲奔雨府。霞擁朝陽。山澤埃  
昏。其乃發也。以其四氣。雲橫天山。浮游生滅。佛之先  
兆。長上聲。數音朔。橫去聲。俱下同。○五運在中。土位  
中央。故首論土鬱之發。土氣通於山谷。故其發也。  
巖谷震驚。震驚由靜而動也。雷出地奮。故雷殷氣交。  
殷盛也。氣交六七月之間也。雷殷氣交。則埃昏黃黑。  
言土埃昏冒。而有黃黑之色也。埃昏黃黑。則化爲白  
氣。而飄驟高深。言高山深谷之間。白氣飄驟。不安寧  
也。飄驟高深。則擊石飛空。而洪水乃從。言山石崩裂。  
洪水乃作也。洪水乃從。則川流漫衍。而田牧土駒。言





利屈伸不便善厥逆痞堅腹滿陽光不治空積沈陰

白埃昏瞋而乃發也其氣二火前後太虛深玄氣猶

麻散微見而隱色黑微黃怫之先兆也

辟作避便平聲水氣陰

寒而淫故水鬱之發陽氣乃避陽氣避則陰氣暴舉陰氣暴舉則大寒乃至而川澤嚴凝寒霧白氣也寒霧結為霜雪甚則水淫過甚而黃黑昏瞋且流行氣交氣交冬春之交也流行氣交寒氣乘之乃為霜殺時惟春也冰雪化為雨水故水乃見祥水鬱發而寒氣勝故民病寒客心痛腰腫痛則大關節不利屈伸不便心痛則善厥逆水寒氣盛則痞堅腹滿水氣欲發則陽光不治空積沈陰白埃昏瞋此水鬱而乃發之候也二火君火相火也太陽水氣之鬱鬱於秋之末冬之時秋末乃陽明主氣陽明居少陽相火之後也太陽水氣之發流行氣交乃春時厥陰主氣厥陰居少陰君火之前也故其氣在二火前

後水氣鬱則太虛深邃而玄黯其氣凝聚而欲散猶  
麻散也言猶麻繩之紫將有散意也氣猶麻散乃微  
見而復隱之象太虛深玄乃色黑而微黃之木鬱之  
象此水氣佛鬱之先兆惟其鬱之是以發之木鬱之  
發太虛埃昏雲物以擾大風乃至屋發折木木有變  
故民病胃脘當心而痛上支兩脇鬲咽不通食飲不  
下甚則耳鳴眩轉目不識人善暴僵仆太虛蒼埃天  
山一色或氣濁色黃黑鬱若橫雲不起雨而乃發也  
其氣無常長川草偃柔葉呈陰松吟高山虎嘯巖岫  
佛之先兆也當如字橫去聲○風木動搖故木鬱之  
發屋埃昏冒其太虛而雲物以擾大風  
乃至大風至則屋發折木而木有變異之象木氣變  
故民病胃脘當心而痛上支兩脇鬲咽不通食飲不

下。此木淫土虛病也。甚則耳鳴眩轉。目不識人。善暴  
僵仆。此風淫木虛病也。木氣欲發。則太虛蒼埃。夫太  
虛蒼埃。乃天山一色。或氣濁色也。氣濁色者。乃黃黑  
鬱若也。天山一色。黃黑鬱若。則上下塵蒙。故橫雲上  
騰。而不起雨。此木鬱而乃發之候也。木動風生。四時  
皆有。故其氣無常。偃仆也。呈陰背向面也。風生則長  
川草仆。柔葉呈陰。甚則松吟高山。而虎嘯巖岫。是木  
氣鬱佛之先兆。惟其鬱之。是以發之。火鬱之  
發。太虛曠翳。大明不彰。炎火行。大暑至。山澤燔燎。材  
木流津。廣廈騰煙。土浮霜鹵。止水乃滅。蔓草焦黃。風  
行惑言。淫化乃後。故民病少氣。瘡瘍癰腫。脇腹胸背。  
面首四支。腦憤臄脹。瘍拂嘔逆。癰癰骨痛。節乃有動。  
注下溫瘧。腹中暴痛。血溢流注。精液乃少。目赤心熱。

甚則瞀悶懊懣善暴死刻終大溫汗濡玄府其乃發也其氣四動復則靜陽極反陰溼令乃化乃成華發水凝山川冰雪焰陽午澤怫之先兆也火氣炎灼而發太虛如火暍而翳日月之大明不彰其時炎火行大暑至山澤之間如燔如燎山澤燔燎則材木之在山澤者津汁外流上天下地猶廣廈也火發煙騰故廣廈騰煙而土塊之在廣廈者如霜鹵之外浮矣止水乃減水因熱涸也蔓草焦黃火烈如焚也惑眩亂也火亢地赤民心不寧眩亂之言見於風俗故風行惑言而溼化乃後後愆期也火熱傷氣故民病少氣火氣外越故瘡瘍癰腫溼化乃後則溼氣內逆溼氣內逆則脇腹胸背面首四支臍憤臃脹火溼之氣鬱於內外則瘍癰嘔逆火風之氣淫於內外則痲癰骨痛節乃有動火氣下行則注下火氣流經則溫瘧火流中土則腹中暴痛火動其血則血溢流注火耗其

精則精液乃少。精血皆虛。則目赤心熱。甚則心氣自  
病。昏悶懊惱。則善暴死。此火亢淫逆。風火并行。而有  
如是之病也。火氣欲發。則刻終大溫。一氣主六十日。  
八十七刻半。如火欲發於四氣。則三氣之刻數將終。  
卽有大溫之氣。敷布於外。若并濡玄府。此其火鬱乃  
發之候也。四之氣少。陽相火故其氣四原。其火鬱之  
時。火性至動。歸復則靜。復猶伏也。動復則靜。乃陽極  
反陰之義。陽極反陰。則溼令乃化。乃成。溼令化成。則  
光華欲發。而水凝之。山川呈色。而冰雪之。焰陽之火。  
歸於午澤。此火氣怫鬱之先兆。惟其鬱之。是以發之。  
有怫之應。而後報也。皆觀其極。而乃發也。木發無時。  
水隨火也。謹候其時。病可與期。失時反歲。五氣不行。  
生化收藏。政無恆也。總結上文鬱發之意。言當謹候其時也。報猶發也。上文云怫之  
先兆。乃有怫之應。而後發也。皆觀其鬱之極。而乃發  
也。上文火鬱發於四氣。金鬱發於五氣。適當其時。木

氣無常則木發無時也。又土溼發於四氣之火。水之鬱復發於二火前後。是水隨火也。故當謹候其鬱發之時。則民病可與相期。若失時反歲。五氣不行。則生化收藏之政。無有恆也。是必謹候其時。庶民病可期。而有恆政矣。帝曰。水發而雹雪。土發而飄驟。木發而

毀折。金發而清明。火發而曠昧。何氣使然。舉上文鬱

氣問何岐伯曰。氣有多少。發有微甚。微者當其氣甚

者兼其下。徵其下氣而見可知也。見如字。○多太過

之氣。有太過不及。則其發也。有微有甚。微者當其氣

得其本位之氣也。甚者兼其下。兼得下時之氣也。兼

下者。時未至而氣先至也。故徵其下。帝曰。善。五氣之

氣而見於氣交之先。則微甚可知也。帝曰。善。五氣之

發不當位者何也。土金水木火五氣之發。有岐伯曰。

愆期而不當位者何也。

命其差

其差不及也。運氣先鬱後復。故命其差。命令也。先鬱故令其差也。

帝曰：差有數

乎。

數如字。○不及。而差有度數乎。

岐伯曰：後皆三十度而有奇也。

奇音

箕○

後不及也。一歲三百六十度。三十度而有奇。約一月也。

帝曰：氣至而先後者

何。非鬱復之氣。氣岐伯曰：運太過則其至先。運不及

何。至而先後者何。岐伯曰：運太過則其至先。運不及

則其至後。此候之常也。

運氣太過其至先。運氣不及其至後。上文六十歲中言之。

詳矣。此乃候之常也。

帝曰：當時而至者何也。

不先不後。謂之當時。岐伯曰：

非太過非不及則至當時。非是者害也。

至當其時。謂之平氣。非是

者害也。亦候之常也。

帝曰：善。氣有非時而化者何也。

非時而化。非其時而

化其氣也。上文論運氣之太過不及。此舉時氣之非時以問。

岐伯曰：太過者當其

時不及者。歸其已勝也。

太過者當其時。如春溫夏熱。秋涼冬寒。至不愆期也。不及

者。歸其已勝。如春時雨溼。

木勝土也。夏時清涼。火勝

金也。秋時和風。金勝木也。

冬時溫熱。水勝火也。皆歸

其已勝之氣也。

帝曰。四時之氣。至有蚤晏。高下左右。其候何

如。春夏秋冬四時之氣。積候而成。而氣至有早晏。如

至早。西北地高。氣至晏。東南地下。氣至早。西北居右。氣至晏。早

晏。高下左右。其候何如。岐伯曰。行有逆順。至有遲

速。故太過者。化先天。不及者。化後天。

遲。猶晏也。速。猶

順。則至因有遲速。順行則速。速主太過。故太過者。氣

化先天。時而至。逆行則遲。遲主不及。故不及者。氣化

後天。時而至。知行之逆順。至之帝曰。願聞其行。何謂

也。其行有逆順。何謂也。

岐伯曰。春氣西行。夏氣北行。秋氣東行。

冬氣南行。故春氣始於下。秋氣始於上。夏氣始於中。冬氣始於標。春氣始於左。秋氣始於右。冬氣始於後。

夏氣始於前。此四時正化之常。故至高之地。冬氣常

在。至下之地。春氣常在。必謹察之。春氣發於東。故春

發於南。故夏氣從南北行。秋氣發於西。故秋氣從西

東行。冬氣發於北。故冬氣從北南行。此四時之應於

四方也。春氣自下而升。故春氣始於下。秋氣從上而

降。故秋氣始於上。夏火之氣從中而布於外。故夏氣

始於中。冬藏之氣從表而歸於內。故冬氣始於標。標

猶表也。此四時之應於上下內外也。又四方之位。左

東。右西。前南。後北。故春氣始於左。秋氣始於右。冬氣

始於後。夏氣始於前。此四時之應於左右前後也。凡

此皆四時正化之常。如是而行。則順。不如是。則逆。故

西北至高之地。冬氣常在。而多寒。東南至下之地。春

氣常在。而多暑。此四時正化之常。如是而行。則順。不如是。則逆。故

氣常在而多溫必謹察之而四方帝曰善五運六氣

之高下左右逆順遲速從可知矣帝曰善六化之正六變之紀何如帝曰善下舊本誤

之應見六化之正六變之紀何如帝曰善下舊本誤今刪去○運氣相應徵見於外其中更有化變之正紀帝故問之岐伯曰夫六氣正

紀有化有變有勝有復有用有病不同其候帝欲何

乎舊本岐伯下誤有對字今刪去○五運合六氣有化有變有勝有復有用有病不同其候皆六氣之

正紀帝曰願盡聞之岐伯曰請遂言之夫氣之所

欲何問帝曰願盡聞之岐伯曰請遂言之夫氣之所至也厥陰所至爲和平少陰所至爲暄太陰所至爲

埃濇少陽所至爲炎暑陽明所至爲清勁太陽所至

爲寒霧時化之常也夫六氣之所至也厥陰爲風主

初之氣故厥陰所至爲和平和

平舒遲也。少陰爲熱。主二之氣。故少陰所至爲暄。暄。溫熱也。太陰爲溼。主三之氣。故太陰所至爲埃。溼。埃。猶土也。溼。溼熱也。少陽爲火。主四之氣。故少陽所至爲炎。暑。炎。暑。火氣也。陽明爲清。主五之氣。故陽明所至爲清。勁。秋末冬初。清且勁也。太陽爲寒。主終之氣。故太陽所至爲寒。霧。寒。霧。結爲霜雪也。此六時氣化之常也。厥陰所至爲風府。爲豐。啟。少陰所至爲火府。爲

舒榮。太陰所至爲雨府。爲員。盈。少陽所至爲熱府。爲

行出。陽明所至爲司殺府。爲庚。蒼。太陽所至爲寒府。

爲歸藏。司化之常也。

豐音問。藏如字。餘同。○上文言時化。化之徵於時也。此言司化。

化之主乎內也。厥陰主風。故厥陰所至爲風府。爲豐。啟。豐。剖也。啟。開也。少陰主火。故少陰所至爲火府。爲舒榮。舒。舒。展也。榮。榮。華也。太陰主溼。故太陰所至爲雨府。爲員。盈。員。周也。盈。滿也。少陽主熱。故少陽所至爲

爲熱府爲行出行出見於外也陽明主收故陽明所  
至爲司殺府爲庚蒼庚更也蒼老也太陽主寒故太  
陽所至爲寒府爲歸藏歸藏內厥陰所至爲生爲風  
歸藏密也此六氣司化之常也  
搖少陰所至爲榮爲形見太陰所至爲化爲雲雨少  
陽所至爲長爲蕃鮮陽明所至爲收爲霧露太陽所  
至爲藏爲周密周密周緻深密也此六  
至爲藏爲周密氣化之常也此言氣化化之有其氣  
也厥陰爲春故厥陰所  
至爲生爲風搖風搖風之搖動也少陰主初夏故少  
陰所至爲榮爲形見形之現於外也太陰主長  
夏故太陰所至爲化爲雲雨雲雨溼化也太陰主初  
秋故少陽所至爲長爲蕃鮮蕃盛也鮮豔也陽明主  
深秋故陽明所至爲收爲霧露霧露清寒也太陽主  
冬故太陽所至爲藏爲周密周密周緻深密也此六  
氣氣化厥陰所至爲風生終爲肅少陰所至爲熱生  
之常也

中爲寒。太陰所至爲溼生。終爲注雨。少陽所至爲火  
生。終爲蒸溽。陽明所至爲燥生。終爲涼。太陽所至爲  
寒生。中爲溫。德化之常也。此言德化之有其德也。生猶本也。終猶極也。厥陰  
之氣本於風。故所至爲風生。終則爲肅。肅清肅也。少  
陰之氣本於熱。故所至爲熱生。中則爲寒。寒少陰之  
標陰也。太陰之氣本於溼。故所至爲溼生。終爲注雨。  
注雨。溼之洋溢也。少陽之氣本於火。故所至爲火生。  
終爲蒸溽。蒸溽。熱極汗流也。陽明之氣本於燥。故所  
至爲燥生。終爲涼。涼金之清切也。太陽之氣本於寒。  
故所至爲寒生。中爲溫。溫太陽之標陽也。少陰太陽  
兼稟水火陰陽之氣。故不曰終而曰中。此六氣始終  
爲六氣德化之常也。厥陰所至爲毛化。少陰所至爲羽化。太陰  
所至爲倮化。少陽所至爲羽化。陽明所至爲介化。太

陽所至為鱗化。德化之常也。

此亦言德化之常。而有萬物生成之德也。毛蟲

屬木。故厥陰所至為毛化。

羽蟲屬火。故少陰少陽所

至皆為羽化。倮蟲屬土。故太陰

所至為倮化。介蟲屬

金。故陽明所至為介化。鱗蟲屬水。故太陽所

至為鱗化。此諸蟲孕育為六氣德化之常也。厥陰所

至為生化。少陰所至為榮化。太陰所至為濡化。少陽

所至為茂化。陽明所至為堅化。太陽所至為藏化。布

政之常也。

此言六氣之化。而為布政之常也。上文云。厥陰所至為生。故厥陰所至為雲雨。故太陰

所至為榮。故少陰為榮化。太陰

所至為雲雨。故太陰所至為濡化。少陽為濡化。太陽所至為藏。故太陽為藏化。陽明所至

為收。故陽明為堅化。太陽所至

為藏。故太陽為藏化。陽明所至為收。故陽明為堅化。太陽所至為藏。故太陽為藏化。陽明所至

此六氣之化。而為布政之常。承上文已悉之意。而復

言之。以明時化司化氣化德化。皆為布政之常。而復

常而六氣之應見。以為六化之

正者。有如此。厥陰所

至爲飄怒。大涼。少陰所至爲大暄。寒。太陰所至爲雷  
霆驟注。烈風。少陽所至爲飄風。燔燎。霜凝。陽明所至  
爲散落。溫。太陽所至爲寒雪。冰雹。白埃。氣變之常也。

上文皆言六氣之正。此下言六氣之變。首言氣變之  
常。次言令行之常。又次皆言病之常。意謂氣變令行  
發爲民病。以爲六變之紀也。飄怒者。風之變。大涼。則  
金氣乘之。故厥陰所至爲飄怒。大涼。大暄者。火之甚。  
寒。則水氣乘之。故少陰所至爲大暄。寒。雷霆驟注者。  
土之變。烈風。則木氣乘之。故太陰所至爲雷霆驟注。  
烈風。飄風。燔燎者。風火交熾。霜凝。則金水之氣乘之。  
故少陽所至爲飄風。燔燎。霜凝。散落者。金之肅殺。溫。  
則火氣乘之。故陽明所至爲散落。溫。寒雪。冰雹者。水  
之變。白埃。則土氣乘之。故太陽所至爲寒雪。冰雹。白  
埃。此六氣不得其平。厥陰所至爲撓動。爲迎隨。少陰

制勝相加爲氣變也。

厥陰所至爲撓動。爲迎隨。少陰

所至爲高明焰爲曠太陰所至爲沈陰爲白埃爲晦  
暝少陽所至爲光顯爲彤雲爲曠陽明所至爲煙埃  
爲霜爲勁切爲悽鳴太陽所至爲剛固爲堅苾爲立  
令行之常也。此舉六氣令行之常以證上文氣變之意。撓動迎隨風之性也。故厥陰爲撓動  
爲迎隨高明焰曠火之發也。故少陰爲高明焰爲曠  
沈陰白埃晦暝土之溼也。故太陰爲沈陰爲白埃爲  
晦暝光顯彤雲曠火之色也。故少陽爲光顯爲彤雲  
爲曠煙埃金之燥也。霜金之寒也。勁切金之堅也。悽  
鳴金之肅也。故陽明爲煙埃爲霜爲勁切爲悽鳴剛  
固寒之操也。堅苾水之貞也。剛固堅苾所以立也。故  
太陽爲剛固爲堅苾爲立。此六氣之令行於四時而爲令行之常。不同於上文之氣變也。厥陰所  
至爲裏急少陰所至爲瘍疹身熱太陰所至爲積飲

否隔。少陽所至為噎嘔。為瘡瘍。陽明所至為浮虛。太

陽所至為屈伸不利。病之常也。

裏急。厥陰肝氣內逆也。瘍疹身熱。少陰火

氣有餘也。積飲否隔。太陰土氣不輸也。噎嘔瘡瘍。少

陽初陽不升。風火交熾也。浮虛。陽明金氣不固。外浮

內虛也。屈伸不利。太陽寒氣內逆也。厥陰所至為支

痛。少陰所至為驚惑。惡寒戰慄。譫妄。太陰所至為稽

滿。少陽所至為驚躁瞽昧。暴病。陽明所至為魘。尻陰

惡去聲下

股膝髀腦筋足病。太陽所至為腰痛。病之常也。

同瞽昧之味。舊本訛味。今改。厥陰包絡之脈不能從胸走手。則支痛。少陰心氣內虛。則驚惑。惡寒戰慄。不能

譫妄。太陰肺天之氣。不能四布。其水津則稽滿。少陽三焦之氣。不能遊行出入。則驚躁瞽昧而暴病。陽明

大腸主津液所生病。津液虛寒則爲鼻斂。陽明胃脈下髀關抵伏兔下膝膕中下循脛外廉下足跗故尻陰股膝髀腓胫足皆病。太陽之脈挾脊抵腰病則腰痛此亦六氣發病之常也。厥陰所至爲緦戾。少陰所至爲悲妄衄蟻。太陰所至爲中滿霍亂吐下。少陽所至爲喉痺耳鳴嘔涌。陽明所至爲胸痛。絛揭太陽所至爲寢汗瘧病之常也。胸舊本訛脇今改絛音遂瘧音勁○戾了戾小便所注之關戾也。緦瘧也。厥陰之脈入毛中過陰器病則癰閉故厥陰所至爲緦戾悲悲哀心氣虛也。妄狂妄心氣實也。脈虛而熱則衄。脈虛而寒則蟻。少陰屬心主脈故少陰所至爲悲妄衄蟻。中滿則上下不交霍亂吐下則上涌下泄。手太陰主上足太陰主下故太陰所至爲中滿霍亂吐下一陰一陽結謂之喉痺。一陰厥陰也。一陽少陽也。手足少陽之脈皆從耳後入耳中出走耳前經脈虛則耳鳴。

少陽樞轉不利。則乾嘔。上涌。故少陽所至爲喉痺耳鳴。嘔涌。胸痛者。手足陽明之脈。不能入缺盆而下隔也。皮皺曰皺。掀起曰揭。皺揭者。陽明燥勝。皮皺皺而掀揭也。故陽明所至爲胸痛。皺揭。手太陽之脈。主液所生病。寢汗。液虛也。足太陽之脈。主筋。所生病。瘰癧。筋攣也。故太陽所至爲寢汗瘰癧。此亦六氣發病之常也。厥陰所至爲脇痛。嘔泄。少陰所至爲語笑。太陰所至爲重。肘腫。少陽所至爲暴注。瞤瘕。暴死。陽明所至爲軌。嚏。太陽所至爲流泄。禁止。病之常也。初陽之氣起於厥陰。陰極而初陽不升。則脇痛。上嘔下泄。故厥陰所至爲脇痛。嘔泄。語言喜笑。心所主也。心氣實。則語笑多。故少陰所至爲語笑。土虛溼勝。則身重。肘腫。故太陰所至爲重。肘腫。注。洞泄也。暴注。卒然洞泄也。暴泄如注。則生陽之氣。不充於身。故肉瞤筋瘕。表裏上下不交。則一時暴死。故少陽所至爲暴注。瞤瘕。暴死。水律不瀦。則

歟。以木擊金。則噫。故陽明所至爲噫。噫。流泄者。汗流  
外泄。禁止者。小便不行。流泄則津液虛。禁止則小便  
閉。故太陽所至爲流泄。禁止。此亦六氣發病之常。凡  
也。凡此亦皆六氣應見。以爲六變之紀者。有如此。凡  
此十二變者。報德以德。報化以化。報政以政。報令以  
令。氣高則高。氣下則下。氣後則後。氣前則前。氣中則  
中。氣外則外。位之常也。故風勝則動。熱勝則腫。燥勝  
則乾。寒勝則浮。溼勝則濡泄。甚則水閉。胕腫。隨氣所  
在。以言其變耳。總結上文六正六變之意。正變皆六  
言德化之常。故曰報德以德。言報復之德。以其先施  
之德也。一言時化之常。一言司化之常。一言氣化之  
常。故曰報化以化。言報復之化。以其先施之化也。一  
言布政之常。故曰報政以政。言報復之政。以其先布

之政也。此結上文六化之正也。上文六氣之變，變而爲病，言病之常者四，言氣變之常者一。言令行之常者一，故曰報令以令，言報復之令，以其先行之令也。其氣變之常，發病之常，乃火水金木土火之六氣變而爲病，火位居高，故曰氣高則高，謂火變則火病也。水位居下，故曰氣下則下，謂水變則水病也。金位居後，故曰氣後則後，謂金變則金病也。木位居中，故曰氣中則中，謂土變則土病也。火居高而位外，故曰氣外則外，亦火變則火病也。火水木金土火六氣有高下前後，中外之位，乃位之常也。此結上文六氣之變也。陰陽應象大論云：風勝則動，熱勝則腫，燥勝則乾，寒勝則浮，溼勝則濡泄，引之以明風熱燥寒溼之氣勝於上，則人身經脈爲動爲腫爲乾爲濡泄而病於下，甚則土氣不行，水閉，附腫，此隨六帝曰：願聞其用也。氣之所在，以言其變而爲病耳。上文岐伯云：有化有變，有勝有復，有用有病，不同其候。今六氣之化，六氣之變，六氣之勝，六氣之復，六氣

之病皆明言之而六氣之用未悉其旨帝故問之岐伯曰夫六氣之用各歸

不勝而爲化故太陰雨化施於太陽太陽寒化施於

少陰少陰熱化施於陽明陽明燥化施於厥陰厥陰

風化施於太陰各命其所在以徵之也不勝受其制也

化猶言制則生化也夫六氣之用制化爲先是以各

歸不勝而爲化故太陰雨化土也施於太陽則土制

其水而土之子金復生其水是不勝而爲化也太陽

寒化水也施於少陰則水制其火而水之子木復生

其火少陰熱化火也施於陽明則火制其金而火之

子土復生其金陽明燥化金也施於厥陰則金制其

木而金之子水復生其木厥陰風化木也施於太陰

則木制其土而木之子火復生其土是皆不勝而爲

化也六氣合五行不言少陽者同於少陰也此不勝

爲化乃六氣之用欲徵其用各命其所在之氣以徵

之也。如太陰之氣在長夏。太陽之氣在少陰。少陰之氣在春。春者是也。帝曰。自得其位。何如。岐伯曰。命其所在。乃自得其位。何如。岐伯

曰。自得其位。常化也。

時六氣之常化也。

帝曰。願聞

其所在也。

帝欲詳明所在之位。故復問之。

岐伯曰。命其位。而方月可

知也。

命其位者。命其六氣之位也。方月者。厥陰之位。東北方也。正月。少陰之位。東南方也。三月。

四月。太陰之位。西南方也。五月。少陽之位。正南方也。七月。八月。陽明之位。西北方也。九月。十月。太陽

之位。正北方也。十一月。十二月。命其位。而知其方月。則六氣之用。益可知矣。

帝曰。六位之

氣。盈虛何如。

六位之氣。有盛衰。故問盈虛何如。

岐伯曰。太少異也。太

者。之至徐而常。少者暴而亡。

歲運陽年為太。太則六位之氣盈。陰年為少。少

則六位之氣虛。此太少之異。而有盈虛也。太主氣盈。故太者之至。其氣徐而常。言氣舒徐而有常度也。少主氣虛。故少者之至。其氣暴而亡。言氣促疾而無常度也。此明位氣之盈虛也。帝曰。天地之氣。盈虛何如。六位之氣。主十二月。而天

地一歲之氣。盈虛何如。

岐伯曰。天氣

不足。地氣隨之。地氣不足。天氣從之。運居其中而常先也。惡所不勝。歸所同和。隨運歸從而生其病也。故上勝。則天氣降而下。下勝。則地氣遷而上。多少而差其分。微者小差。甚者大差。甚則位易氣交。易則大變生而病作矣。大要曰。甚紀五分。微紀七分。其差可見。此之謂也。分去聲。○天干乙丁己辛癸。主不足。地支丑卯巳未酉亥。主不足。干支配合。有餘則

皆有餘不足則皆不足故天干之天氣不足則地氣亦隨之地支之地氣亦隨之從之地支主六氣天干化五運五運在中而常爲六氣之先也不足之歲先鬱後復先鬱則惡所不勝後復則歸所同和五運在中隨運歸從而生其民病也此言天氣地氣之不足而爲虛也歲半之前司天之氣主之上勝者司天之氣有餘也故上勝則有餘之天氣降而下降而下者流於歲半之後也歲半之後在泉之氣主之下勝者在泉之氣有餘也故下勝則有餘之地氣遷而上遷而上者移於歲半之前也其上下所勝之氣有多少而差其分勝之微者小差勝之甚者大差甚則位易氣交如上勝則易四之氣而歸於上下勝則易三之氣而歸於下易則大變生而民病作矣揆其微甚之大要則曰甚紀五分謂五分在於本位而五分降遷也微紀七分謂七分在於本位而三分降遷也五分七分則其差可見卽此多少而差其分之謂也此言上勝下勝有餘而爲盈也如此推之則天地之盈虛從可知矣帝

曰善論言熱無犯熱寒無犯寒余欲不遠寒不遠熱

奈何

天地盈虛之理既明帝故善之上文岐伯云用

熱遠熱用寒遠寒者無犯之謂帝引其言而言

余欲用寒用熱實用岐伯曰悉乎哉問也發表不遠

其力而不遠奈何

熱攻裏不遠寒時令當熱寒邪在表用辛熱之藥以

發之是發表而不遠熱也時令當寒

熱邪在裏用寒泄之藥以帝曰不發不攻而犯寒犯

熱何如岐伯曰寒熱內賊

不攻而犯熱攻裏犯寒不發其病益甚

不當攻發而用寒熱是為內帝曰願聞無

病者何如

其人有病故病益甚願岐伯曰無者生之

有者甚之

聞無病而用寒熱何如岐伯曰無者生之

有無病而犯寒熱則病生故無者生之帝曰

生者何如。

所生之病何如。

岐伯曰：不遠熱，則熱至；不遠寒，則

寒至。

熱至寒至，病之所以生也。

寒至則堅，否，腹滿痛急，下利之病

生矣。

凡此皆不遠寒而生寒病也。

熱至則身熱，吐下霍亂，癰疽瘡

瘍，脊鬱注下，疝瘕，腫脹，嘔，欬，衄，頭痛，骨節變，肉痛，血

溢，血泄，淋瀝之病生矣。

凡此皆不遠熱而生熱病也。

帝曰：治之奈

何？岐伯曰：時必順之。犯者，治以勝也。

治病之法，時必順之。若違時而

犯寒，犯熱者，仍治以勝也。勝者，

帝曰：婦人重身，毒之

何如？

婦人懷孕重身，當犯寒熱以毒之，則何如？

岐伯曰：有故無殞，亦無殞

也。

有寒熱之病，用寒熱之毒，謂之有故。有故而用，則無殞滅之患。然亦無過用而致殞滅也。帝曰：

願聞其故。何謂也。

有故無殞。何謂故也。

岐伯曰。大積大聚。其可

犯也。衰其大半而止。過者死。

有故。內有積聚也。大積大聚。其毒藥之可犯也。

不過衰其大半而止。過者死。

帝曰。善。鬱之甚者。治之奈何。

承

若攻之過者。則死矣。帝曰。善。鬱之甚者。治之奈何。

無 岐伯曰。木鬱達之。火

鬱發之。土鬱奪之。金鬱泄之。水鬱析之。然調其氣。過

者折之。以其畏也。所謂寫之。

水鬱析之。舊本誤折。今改。五行之氣。貴得其

平。故木鬱則達之。達。通達也。火鬱則發之。發。開發也。

土鬱則奪之。奪。裁奪也。金鬱則泄之。泄。疏泄也。水鬱

則析之。析。分析也。雖曰達之。發之。奪之。泄之。析之。然

必調其正氣。若鬱之過者。則逆其氣而折之。折。折抑也。折之。以其有所畏也。折。帝曰。假者何如。

真實則寫。若假者何

如岐伯曰。有假其氣。則無禁也。所謂主氣不足。客氣勝也。實者邪氣實。原非正氣之實也。有假其氣。卽當寫之。則無禁也。所謂主氣不足。客氣勝也。客氣勝。寫之。帝曰。至哉。聖人之道。天地大化。運行之節。臨御之紀。陰陽之政。寒暑之令。非夫子孰能通之。請藏之。靈蘭之室。署曰六元正紀。非齋戒不敢示。慎傳也。聖人之道。惟聖人能通之。故當藏密其旨。不敢輕示。此天地之運行。陰陽之臨御。寒暑之往來。千百世而無傳人也。運氣之理。不基至微而難測歟。

卷七終

總校章炳森校